

黃岡縣志卷之三

知黃岡縣事合肥戴昌言編輯

建置志

城池

宋時郡治倚江今之臺隍明初所移建也據枕阜瞰江之險上通鄂沔下臨豫皖言形勢者爭重之咸豐間粵逆之變城經四陷卒賴

朝廷威稜疆臣碩畫削平大難復金湯之舊規則隨時培濬非守土者之責歟

宋元遺築在今城南二里許初無城郭西以江為固其三隅畧有垣壁間為藩籬因堆阜攬蔓草而已中皆積水荒田民纔十二三耕漁其中見宋張耒雜志東傍湖泊水漲湮沒不常建炎中

黃岡縣志

卷之三

城池

一

知黃州趙令歲奉詔修城六月而畢然賊張遇過城下令歲度不能拒出城見之賊乃引去其時之城可知矣府舊志謂東北城蹟猶存今可考者惟城門有曰朝宗曰向日曰龍鳳三名已耳明洪武元年戊申指揮黃榮移築今處十七年甲子指揮曹奉永樂六年戊子指揮郭顯相繼修理周九里許一云七里三分凡一千八百二丈八尺有奇高二丈一尺厚多依山不可計繚以濠塹警鋪三十雉堞二千一百一十九門四東曰清淮南曰一字西南曰清源西北曰漢川敵樓各三間金湯甲諸郡正德中漢川門水潦崩知府鄭信修葺萬曆十二年清源門火知府范可奇修葺崇禎八年知縣李希沆倡率士民深濬增築十年袁繼咸分巡黃州與知縣徐調元築六千餘丈舊志云按黃榮舊築僅周一千八百餘丈而明史紀繼咸所築三倍有餘始兼郭外所築言之歟十

六年春賊張獻忠掩至從東北緣梯入驅婦女剗城旋殺以填溝塹城存不及肩秋知府周大啟返任治事其時有湖居兩族以水寨舟各二十隻爲賊嚮導飽得賊掠賊去後官捕之責以修城貸其死周歲畢工視舊低五尺有奇廣如舊

國朝順治元年

英王率師南下檄定黃州二年知縣汪士衡次

第修理四年知府牛銓建譙樓康熙十一年知縣董元俊捐俸重修雉堞戎樓警鋪之屬如明舊制十三年大風毀清源門樓知府于清端建四十五年大水城圯知府李彥瑁修葺五十四年積雨七旬城圯四十一處知縣鍾葦修補三年始竣雍正二年連雨水漲圯城數十丈並清淮門樓知府康忱捐修十一年清源門戎樓將圯知縣暢于熊同七州縣捐貲重建勝曰雄關楚北十三年東北圯四丈餘知縣邵豐鏃修

黃岡縣志

卷之三

城池

二

乾隆十三年漢川門右圯二丈七尺知縣劉煜倡修又清源門左鐵石邊圯八丈餘知府錢鋆修理此後郡屬分段管理隨圯隨修工丈無可稽考嘉慶二十年城身臞裂過甚知縣鄭家屏詳准請帑奏交知府吳之勳承修至二十二年工竣已修城身六十八段計長六百六十一丈五尺裏皮十四段合長一百七十八丈五尺門臺門樓四座並各礮房窩鋪概行重建未修城身六百五十二丈五尺道光二十六年城身復裂署縣金雲門詳請修理知府祁宿藻知縣俞昌烈暨八屬牧令典商紳士捐貲五萬有奇交署縣金雲門承修計補修城身四十五段長三百四十六丈門臺門樓礮房窩鋪均加修葺二十八年工竣

以上舊志

咸豐間粵匪竄擾往來蹂躪

城凡四陷日就傾圯同治五年知府黃益杰督率紳民捐金

修理拆補破爛一百五十二處臆裂十二處週圍共長一千二百九十四丈二尺卑者加高薄者加厚門臺門樓礮臺窩鋪修葺一新五月興工十一月告竣同治八年陰雨過多垣堞浸灌坍塌知府英啟知縣恆琛籌款修補共計城身八段長一百二十七丈清源漢川一字三門府前明溝暗溝四道均經疏濬宋王禹偁請修城垣疏伏以體國經野王者保邦之制也易曰王公設險以守其國自五季亂離各據城壘豆分瓜剖七十餘年太祖太宗削平僭偽天下一家當時議者乃令江淮諸郡毀城隍收兵甲徹武備者二十餘年書生領州大郡給二十人小郡減五人以充常從號曰長吏實同旅人名為郡城蕩若平地雖則尊京師而抑郡縣為強幹弱枝之術亦匪得其中道也臣比在滁州值發兵挽漕關城無人守禦止以白直代主開閉城池額圯鎧仗不完及徒維揚稱為重鎮乃與滁州無異嘗出鎧甲三十副與巡警使臣鼓弩張弓十損四五蓋不敢擅有修治上下因循遂至於此今黃州城雉器甲復不及滁揚萬一水旱為災盜賊竊發雖思禦備何以枝梧蓋太祖削諸侯跋扈之勢太宗杜僭偽覲望之心不得不爾其如設法救世久則弊生救弊之道在乎從宜疾若轉規固不可膠柱而鼓瑟也今江淮諸州大

黃岡縣志

卷之三

城池

三

患有三城池墮圯一也兵仗不完二也軍不服習三也濼賊之興慢防可見望陛下特紆宸斷許江淮諸郡酌民戶眾寡地池大小並置守捉軍士多不過五百人閱習弓劍然後漸葺城壁繕完甲冑則郡國有禦侮之備長吏免剽略之虞矣國朝黃益杰重修黃州府城碑記黃郡介江淮間宋元無城郭略垣豐用兵以來藩籬舊址在今城南二里許明初始築郡時甫收復城中無半椽完屋漸次安集乃得八百餘戶而生計未裕善後事宜無從著手又無歲無賊至幸皆春夏秋時內湖有水外江舟師可以駛入拒賊乙丑冬湖涸捻逆由麻城猝至徑趨近郭予與士民登陣以守歷三月而賊退乃知此城宜亟修也按城舊為門四東曰清淮南曰一字西曰清源北曰漢川周一千二百九十四丈二尺今皆增修高逾舊城或五六尺或七八尺或丈有奇城上皆石修馬道寬五尺至七八尺有差東西北三隅有咸豐間所掘地道十二巨穴各深數丈寬數丈或十餘丈城日下陷皆一律拆修清淮一字清源三門月城各建樓三間漢川門舊有樓亦加葺治城北大士閣上築大礮臺一座俯對城外龍王玉几諸山一字門右為培風亭左有奎星閣廢址今將亭加葺閣亦重建均築大礮臺此外又修小礮臺十二座又督匠於城裂之處盡為拆補於是垣墉堅固樓櫓翼如以丙寅五月興工十一月告成用錢八千六百五十五串有奇是役也初因城防經費有餘又會收集守具石十數萬遂謀補修乃傾圮過甚工程愈大使非黃岡士紳續有捐金修府學又擲節有餘可以

分濟則集費必難非土人指引搜掘龍王玉几諸山及北城
火藥局一帶賊壘窖石百六十餘萬可值七萬餘緡則無論
無此購石巨資其運費工費亦難且購之亦斷非數月可辦
又非官紳數十人同心協力杜盡虛浮竟至半年之久無飲
而予心有一杯水者亦斷難以八千數百串之費迅速成此鉅工
鬻露者必運土培因費細而予又卸篆不能議此是所望於
後之守土者矣城外濠水舊從東北龍王山來城內溝隧之
水亦出於濠道光間為邑紳掘水南去而附城蓄田者利濠
灌漑復任意挖掘濠隧就堙予乃改濬龍王山之水由東而
南而西又北至赤壁下始入江而為開以限其流盡塞從前
外泄之道四時有水環城如帶惟濠隄尚須培築赤壁開今
歲大水為江濤衝損亦須修補後之人以時治之是亦設險之一助也

黃郡城東北倚山無池可鑿險已難恃西南舊有濠溝年久闕

塞竟成坦道且民居櫛比在清淮門者多私佔墾田幾為世

業未雨綢繆急宜區畫舊志又俞志云乾隆十年知府禹

門外古溝水會一字門外水西繞清源門觀風橋由布街口

沮如橋出觀瀾橋形家所謂上堂水也年久復塞嘉慶四年

黃岡縣志

卷之三

城池

四

流入濠以循故道道光十一年邑人掘城外東來之水南去
留城內南出之水西流已失禹吳兩郡守疏濬之舊又被城
南附近蓄田者利其灌漑掘城內之水南去舊濠少所冲刷
漸就淤塞道光二十七年署縣金雲門疏濬並修培兩岸三
百餘丈於合流之處厚築橫隄分城外之水出織染橋城內
之水出觀瀾橋大雨時行可免淤滯特二水分流於形勝究
有未合且附近居民任意掘挖濬則聽其入濠旱則私其灌
溉培植地方者倘力復禹吳二郡守之舊不惟城濠有所沖
刷或亦風水之一助云又本年城內副榜廖志圭拔貢杜
承勳耆民涂厚焜歐陽學源孝廉方正歐陽瑣試用訓導黃
際寅廩生石耀春汪春憲生員陶鍾何登雲黃啟焜李樹滋
馬錫蕃楊鴻鈞楊汝翼吳道南李鳳藻職員黃引亨曾秉鈞
龍炳章方伯清胡澤潤監生陳文藻龍瑞樟民人趙啟賢黃
引咸等公稟為恪遵成規請示遵辦事郡城自明初展築今
處倚山面河金湯甲於諸郡一時水利津梁釐然大備數百
年來士庶簪纓民登康阜良以茲城之形勝為郡邑之頭顱
本實奠安枝葉於焉茂茂非虛語也雖形家之言近於術而
地理之訓本乎經查郡地以聚寶山下逕清淮門城濠旋折穿
案隨龍之水東北出聚寶山下逕清淮門城濠旋折穿
橋纏繞黃岡山入洗馬池西北由兩耳山穿觀瀾橋南下金
花橋左右會合環拱郡城此建城濬水之原規為明劉青田
手定銘載地理大全由明迄國朝皆遵循故道無異康熙
間前侯鍾於城西開掘新河使西北之水旁洩入江觀瀾金
花橋遶城之水道日見淤塞以致內堂之水亦致由新河旁

洩凡邑境之綽楔名門頓形消乏此縣屬不利之一證也乾隆十年前太守禹疏濬隍渠引一字門城內之水繞濠而西詳考禹記並無引清淮門之水會合繞城出觀瀾橋之說嘉慶十五年前太守吳議修南塔並濬城濠邑先輩李鈞簡有記內載郡城之水自城外西出者明水三由塔溝達羅星湖注江所謂明水三者一即西北兩耳山之水由赤壁穿觀瀾橋下金花橋一即一字門城內之水繞濠西流出觀瀾橋一即聚寶山之水繞城東出織染橋皆總匯於塔前為合襟圖志昭然是吳公議濬之水一皆循故道惜未訖工而陞襄陽道去實無倡築織染橋挽聚寶山之水沖刷城濠之說如謂築橋挽水合一字門之水西流入濠則當吳公時城外之明水僅二胡又云三至築橋之舉又在吳公去任之後何得妄議前賢然一築後而隨龍之水沖破內堂無論出仕宦遊凡隸縣屬者皆如衣錦夜行其餘邑境之願連疾厄更難枚舉考之記載歷歷不爽道光十一年邑士奚先恕等目擊情愴始行疏濬如舊二十七年侯金於一字門外出水之處厚築橫隄東北之水出織染橋始無滲漏可侵夫金公之精堪輿楚省所至之處除弊興利志不絕書自時厥後相仍無改惟二十八年前修志註內添載從前築橋挽水之說託以禹吳二公之名至奚先恕等之復故道金公之築隄防概加貶詞並不敘明建城濬水之原規致使歷朝遵循無異之良法至此漸沒其真及赭寇陷黃城濠舊蹟掀掘無存在好事者莫不執前俞志添註之說以為衡而不知其契舟以求劍也夫俞志之添註者謂之不諳地理其失小謂之執拗而不知詢

謀顛預而不考成憲其失大雖在當日不過託之空言並無擅改水道實蹟而傳譌沿誤幾三十載矣光緒初邑人士等復修松竹橋舊蹟加築金公原隄曹家畷土人因田估溝致水道偏仄任意將隄岸掘斷早則引水出織染橋溉田潦則閉缺由延壽橋入濠沖刷是以數百年肇造之金湯億萬姓生靈之根本無論殘破毀傷皆供曹家畷數畝之用舍啟閉不求破除從前淆喙將來之廢墜遺害有不堪設想者矣生等再四籌維不忍成規漸沒用是歷考舊文旁稽圖志商之耆宿僉言允孚理合公懇臺前俯念負郭水道為一邑關係首基明示遵辦以垂定案而率成規實為德便云云 批前已督同該紳士等逐一詣勘核與稟內所論水法相符准移局入志

公署

公署者民所具瞻地也朝聽政夕省刑於是焉在王元之公退默坐消遣世慮孟亨之通判黃州庭下有水稱君子泉非令德焉能如是自粵匪一炬廢為焦土長民者僦屋而居幾與齊民等今則堂廡亭院規制一新上以庇身即下以庇民庶幾步軌王孟焉

縣署向在清源門內府署東明洪武元年知縣萬士安建大堂

三楹成化二十一年知縣程遠重建勝曰親民又有吳百朋書視民如傷四字額

堂後為後堂又後為內宅堂前東西六曹以次列堂左為幕

廳舊志載宅右為管糧主簿宅左為捕盜主簿宅嘉靖中知縣孟津於月臺增建戒

石亭又前為儀門大門萬曆三十四年知縣茅瑞徵增置屏

門縣庫在大堂側册房在堂後右儀門外左為嘉賓館以肅

黃岡縣志

卷之三

公署

六

客旁一楹為土地祠吏廨在其後右為獄前三年同知王從詔署縣事重修獄

室分輕重女監立有石記申明亭在儀門前左崇禎末年盡燬於賊

國朝順治二年知縣汪士衡下車借寓民廬三年始創大堂十年

知縣劉國甯建後堂並東西六曹康熙三年知縣徐搢建內

宅九年知縣董元俊建戒石亭五十年知縣鍾葦重修大堂

顏曰寶善堂建申明亭在儀門外雍正二年知縣張光裕移

亭置於縣左城隍廟內又於大堂左廨後建奎星樓一所乾

隆二十八年知縣葉世度建二堂四十二年知縣顧夔建西

廳及竹樓五十年署知縣張瑤移縣丞署即舊志明捕盜主簿宅建東

廳五十二年知縣王正常建內宅增修東廳勝曰景二堂勝曰

心秤嘉慶二十年知縣鄭家屏增建內西廳即舊志明管糧主簿宅基址

又於署後高阜結臨皋草堂旋毀道光十年知縣李錦源改

東廳前幕廳建船屋勝曰味菜山房升高頭門前甬道三級並建屏坊道光二十七年知縣俞昌烈捐廉添建照牆並升高三堂咸豐三年粵匪陷城署燬光緒元年知縣恆琛詳請移建道署故址奉文允准因勸捐添買民房創建今署查道署老基由東至西前寬十三丈五尺後寬二十一丈二尺由南至北直長四十二丈九尺又添買民基由東至西前寬四丈後寬十丈七尺由南至北直長四十二丈前建照牆照牆外糧戶科房各一楹內爲頭門門東西班房各三楹頭門內爲二門門東一楹爲福神祠又一楹爲班房又東三楹爲卡房西三楹爲班房二門內爲大堂堂前東西六曹以次列大堂後三楹爲二堂堂東一楹爲廚又五楹爲錢漕房又東建陞官樓一座二堂後五楹爲三堂堂東屋三楹其下又三楹爲上房

二堂西五楹爲花廳對面五楹花廳後三楹爲書房又刑席居屋三楹又一進三楹花廳西徵席居屋五楹又下一進五楹凡上下二進中各有橫披屋二三楹未備載

縣署頭門西爲典史署詳後 又西爲獄前建頭門門內一楹爲獄神祠又一楹爲女監又三楹爲獄

縣學教諭署在明倫堂後嘉慶八年教諭胡念祖邑紳議敘鹽提舉王宗華增修前廳道光十九年教諭周鯤化捐廉改建

前廳住房客廳

勝曰補種竹軒

訓導署在

崇聖祠後出入卽由

其門道光九年邑紳士擴建前廳東置民基添設大門於前廳左別爲走道咸豐三年署爲賊燬光緒元年知縣恆琛同邑紳民勸捐重建詳學校志

縣丞署在洗白街南舊志在縣宅右明萬曆丁未縣丞陶承禮

重建崇禎末年燬移建縣宅左即縣東廳地乾隆五十年置民房
移建洗白街咸豐三年燬光緒元年知縣恆琛移建縣署故
址其基由東至西前寬三丈八尺後寬十丈五尺由南至北
直長十七丈六尺前建頭門頭門內三楹為大堂大堂後為
東西廂又三楹為上房又一進為廚

典史署在縣儀門外左乾隆五十六年典史謝鴻恩道光十八
年典史戴均恩二十六年典史魯鴻雋屢次重修咸豐三年
燬光緒元年知縣恆琛移建道署故址今縣署頭門西前建
照牆牆外為卡房內為頭門頭門內三楹為大堂大堂內五
楹為上房署西為花廳為書房為廚以次列

考院在洗白街北順治初沿明設湖廣巡按御史行署為北察
院舊志在縣學右明初原夏閔王三姓舊址後為陶仲文入官宅萬曆元年知府潘允哲改建止府官公署

黃岡縣志

卷之三

公署

八

廳三楹二十三年知縣茅瑞徵縣丞陳玉庭增設司道官廳
三楹於右後燬基為民居亦舊志云然志又云前有石坊曰
御史臺坊現明末燬存今縣學左

國朝即其地建堂三重堂東考堂一重勝曰蘇白堂下列號舍東西各

十二楹楹各四十餘號外為左右轅門為學使者按臨公署

康熙四十八年五十八年知縣黃極鍾葦先後購東邊民房

廣東西號舍各十二楹楹各六十號生童日眾猶苦湫隘乾

隆二十三年知府錢釜同各屬紳士購東邊民房四十間地

十四丈擴新之建號舍倍於舊時知縣陳文樞有記嵌石考堂下東壁嘉慶八

年邑紳議敘鹽提舉王宗華捐金三萬有奇購院前後左右

各民房拓基重建南北四十六丈東西一十七丈衙署仍西

考棚仍東供應所掛號科內外官廳悉備馬南甬道鼓樓照

壁轅門抵官街北幕廳兩所抵民房東號舍抵官街西之前

半抵官巷後半抵民房

衙署頭門一重三楹左外官廳右掛號科儀門東西角門一重三楹階前

東向官廳一重三間東角門內門役住所一間遊廊北即考棚龍門東達號舍西角門內遊廊下巡捕號班住所各一間

北土神祠大堂暨拱蓬一重各三楹中暖閣右號科後屏為外宅門中穿堂二堂一重三間左右廂左廂東門達號舍堂

後屏為內宅門中穿堂內廳一重三間前右廂左門達號舍後右廂左門達考堂其後高阜一屏中幕廳一重三間右廂

東橫屏內幕廳一重四間左廂前屏門達廚房並竈神土神夏閱王各祠考棚中考堂一重前更名育才復各蘇白其後

為書吏住所北抵廚坊東抵幕廳考堂南號舍四行奎星樓居中旁兩行各八百餘號中兩行各七百餘號桌椅板厚三寸不可

動移 學院茹棻記文知府金城永禁借居官眷示石刻俱嵌頭門外右壁

門左有刻夏閔王神位石 道光十九年東首號舍圍牆傾圮知府德山知縣劉鴻庚倡率各縣捐廉重修並將照牆頭

門以內堂房各號舍重新前學院吳其濬捐金改建奎星樓於蘇白堂前咸豐三年郡城陷院燬九年知府周炳鑑知縣

陳汝蕃勸捐重建十一年復為賊毀同治二年知府黃益杰

黃岡縣志

卷之三

公署

九

知縣薛元啟同各屬牧令紳庶捐貲修葺如舊光緒元年知

縣恆琛率閭邑紳庶捐貲拓基增修號舍九百餘座其基南

北仍四十六丈由東至西前寬一十七丈後寬二十六丈五

尺因院東改添號舍移建供應房及六總房各一重三間於院外西偏

南察院舊志在縣學前左

陶仲文子婿宅址

舊為兵備道署又憲司署

舊志在府學左明萬厯間知縣茅瑞徵重修按南北察院憲

司各署皆為監察巡察御史而設順治十八年裁監察雍正

十年裁巡察署俱燬為民居

布政分司舊志在府城隍廟左明萬厯間知縣茅瑞徵重修建

後廳崇禎末年燬基為民居廟左有公館即七賢祠後為永豐倉今亦廢

按察分司府志在府城隍廟右久廢無考

道署在考院西北雍正七年以分守武漢黃德道移駐黃州購

民房基址建立衙署凡六月告成乾隆四十三年改嘉慶二

十年守道覺羅善連捐置民房廣西園今守道移駐漢鎮其

原署基址知縣恆琛詳請改建縣署

府署在縣署西北高阜即古西坡明洪武初知府李仁初建正德間

知府余貴嘉靖間知府郭鳳儀先後增修中為正堂後為後

樓前為戒石亭東西司各十三楹又前為儀門東西角門門

西為鑿駕庫東為土地祠為雪堂旋增修為賓館正南為燕

樓東申明亭西旌善亭亭南為吏解正南為大門崇禎末年盡為賊燬

國朝順治初知府借居邑紳洪周祿宅即今縣署十四年知府徐士儀

於舊址建大堂康熙十一年知府于清端次第建修始移居

二十九年知府王輔重修大堂內建枕江西爽各亭五十五年知府李

彥瑄復建儀門外鼓樓後燬五十七年知府蔣國祥移大堂

於月臺下六曹儀門俱改置樹屏儀門外署內書亭數座船

屋七間皆極軒麗後多傾圮雍正十二年知府李天祥撤儀

門外屏乾隆九年知府禹殿鼇二十二年知府錢蓋四十二

年知府羅暹春迭有修建西園雙桂堂笠屐亭皆是五十五年知府先福

新雪堂建月窟軒五十七年二堂火重建嘉慶年間知府金

城吳之勳先後修大堂二堂幕廳書室新頭門外保釐坊道

光二十七年知府祁宿藻重修大堂科房並宅門以內各處

頭門外添建照牆咸豐三年城陷盡為賊燬知府儵屋而居

八年巡撫胡文忠駐郡城建雪堂五楹又於雪堂東洗墨池

前建屋三楹又洗墨池後二進各三楹同治間知府黃益杰

居之增修圍屋光緒元年知府英啟知縣恆琛並各屬牧令

勸捐修葺其基由東至西抵城前寬三十四丈二尺後寬十三丈由南至北直長八十四丈五尺前建頭門三楹二門三楹大堂三楹堂下東西六曹以次列堂後三楹爲宅門宅門內爲二堂堂東三楹爲花廳顏曰琴鶴堂又三楹爲對花廳又三楹爲書房又三楹爲對書房東花廳後五楹爲廚廚後上下二進各三楹二堂內爲三堂三堂七楹堂東五楹爲上房二堂西簽押房三楹對面又三楹又箭道廳三楹由二堂下西達洗墨池雪堂笠屐亭諸處

府糧捕廳署舊在府堂西

內有明通判在延元陸志孝所建涵虛亭夢坡館

燬復移建

府學右未知何時

國朝康熙初宋榮判黃州於署左建將母樓旋謂於

文廟不安立毀之乾隆間通判張金管新內廳爲步雪堂嘉慶

黃岡縣志

卷之三

公署

七

十五年通判文棟去大門外街南照壁移門東向道光二十四年通判保善改建頭門南向並添建照牆咸豐三年燬於賊今移駐上新洲原基改建樊孝介祠

府同知舊署在府堂西順治間移同知駐岐亭署毀

府推官署亦在府堂西康熙初裁署毀

府學教授署在明倫堂後一重五間又東廳三間

勝曰樓學軒訓導

署在文昌宮左一重五間屏外廳一重廳左書廳一重南

向大門西向咸豐三年盡爲賊燬同治四年知府黃益燕率入屬牧令勸捐重建兩署在文廟左右邑人華春禧捐鋪基一所在學宮左劉姓捐屋基一所在學宮右

府經歷司司獄司兩署俱在府署大門內西嘉慶十三年裁司

獄

移作縣倉埠司

官署並入經歷司咸豐三年城陷署燬光緒六年

知府英啟率八屬牧令重建於府署頭門內東前建頭門頭門內為獄為照牆照牆內為大堂堂東三楹為福神祠又五楹為廂屋內為二堂為三堂各三楹三堂西一楹為廂東二楹為廚

府照磨司舊署在府署儀門東乾隆初裁署毀

黃州協副將署在洗白街南東向明尙書王廷瞻宅南為桃園北為馬

苑乾隆五十八年副將劉廷基詳請修理道光三年副將王

世平復請改易後樓展移頭二轅門築紅水巷舊溝闕署右小教場

修北軍裝庫東南馬王廟咸豐三年郡城陷盡為賊燬同治五年重建光

緒六年知府率八屬牧令增修原係東向今改南向

協標中軍都司署明黃州衛指揮私宅在府學東內天一樓又名中城風水所繫咸豐

三年粵匪燬燼光緒八年修建

黃岡縣志

卷之三

公署

十三

黃州衛署在府署北衛墪子上明初指揮黃榮建後改千戶所

旋立守備末年署燬

國初官借民居康熙閒守備蕭成重建嘉慶閒守備楊昌業改建

東廳內宅又守備王裕慶修理大堂二堂射圃二堂後有古塚不可犯前

所千戶朱咸豐三年粵匪燬燼光緒三年軍戶共捐貲重建

演武廳在城南二里黃岡山下前將臺中廳後堂南甬壁抵三

官廟北抵黃岡山東西抵民間菜園咸豐閒賊燬同治時重

修前層光緒七年修建後廳繚以垣牆並添建廚屋於左側

舊演武場在城東南古臨皋亭下明知府余貴擴基樹柳知府潘允哲建堂堂名足兵左坊名詰戎右坊名振武堂後軒

面江題曰江漢雄鎮今猶呼老教場後移至城內今河東書院左側又以追近城垣改遷今處迎春較射閱武於此

舊志清軍府廠在府城隍廟右縣廠在縣城隍廟左即小學址久廢又馬夫廠在城外沙街明赤壁巡司署後改廠前官

鋪十二間府有稅又城南有織染局址為團風巴河二鎮牙行赴府廳點受約之所今廠局久廢

團風鎮巡檢司署在城西北五十里

道光二年巡檢史禮賢道光二十二年巡檢陶廷梅

重修咸豐時粵匪燬燼今官居民房

陽邏鎮巡檢司署在城西北百二十里

道光二十七年巡檢古昱始重修咸豐時粵匪

燬燼今官居民房

但店鎮巡檢司署在城東北百二十里

道光六年巡檢魯開章修葺馨橐未竣士民感

其輯安地方捐貲助粟畢功願以頌額開章本程子語勝其堂曰濟愛堂道光二十六年巡檢羅宗倫重修咸豐時粵匪

燬燼今官居民房

倉子埠鎮巡檢司署在城西北百二十里

本前明黃安貯糧倉所後南糧改折倉廢

而址存嘉慶十四年移府司獄司置巡檢司借居民間道光十三年巡檢孫途任內本地職員張楷捐基建署道光二十

三年巡檢成錫瓊重修咸豐時粵匪燬燼今官居民房

舊志齊安驛丞署在清源門外李坪驛丞署在團風鎮陽邏驛丞署在陽邏鎮俱久裁屬縣河泊所官始七後三除王九

塘向并入巴河外明正德嘉靖後鮑湖舊州長河湖歸零殘湖所近團風鎮黃漢窰埠安仁歸樟松湖所近陽邏鎮城東

黃岡縣志

卷之三

公署

三

南後湖河泊所定惠院右三所亦久裁又稅課司署一在城南清源門外一在團風鎮俱久裁演武場稅場屬府久廢

陰陽學舊志在府大門左

醫學並惠民藥局在府大門右久廢

僧綱司在報恩寺右

僧會司在維摩堂

道紀司道會司俱無署

廂鎮

都邑殷軫綦布星羅其勢渙矣

國初定制邑設廂鎮有鄉約里正編保甲稽賦冊察非常無事則相率宣

諭有事則竭作奉公上下相維遠近相筦非周禮鄩長市司之遺意歟

舊鄉約所城內外二

明宏治建於城南高廟舊址月朔講呂氏鄉約後廢城內以報恩寺城外以安國寺為會團風鎮一寺 禪寂 陽邏鎮一寺 蓬萊 給牒高年有行者充約

長約副約史以朔望宣諭教民

國朝編保甲法縣分廂鄉九十九區

今一百八區按此與沿革所載鄉里數別區一保

正以察非常雍正間各鄉俱設鄉約論民朔望又有木鐸老

人巡宣

黃岡縣志

卷之三

廂鎮

十四

聖諭

廂坊八

城內外四

思賢廂

內南隅

懷德廂

內東隅

會同廂

外南仙

源廂

外南長坊

團風二一廂

上街

二廂

下街

陽邏二一廂

上街二廂

下街凡八廂一稱廂坊鄉

鎮除巡捕典史外舊二

團風鎮

陽邏鎮

今添設但店鎮

倉子埠鎮

凡一街四鎮

按省志市鎮十有七內有昔有今廢者盤石市黃岡市廟市有昔無今有者孫家嘴鷓子湖徐輓鼓諸市

鄉並廂坊凡九

廂坊

東弦鄉

還和鄉

永甯鄉

慕義

鄉

上伍重鄉

下伍重鄉

庶安鄉

中和鄉

里明一統志編戶八十六里府舊志縣九鄉嘉靖間割中和上

鄉十二里入黃安今八鄉編戶七十六里廂坊轄里二東弦

七還和七永甯十二慕義九上伍重九下伍重八庶安十三

中和九

廂坊轄里二

廂坊一村城內外舊編甲十二後編甲八今七第六

甲在東門外今並入東莊鄉 甲一保正典史管汛地詳後

甲一東抵鼓樓岡西抵漢川門南抵清源門北抵覽勝亭

府前官街

保釐坊在府前鼓樓舊址南承流宣化節用愛人及善治阜民二坊廢甄家巷

縣前官街

製錦坊廢新衛前官街武定文明二坊建齊安舊治坊俱廢三府巷

府學前官街

騰蛟起鳳坊在府學內廢新建禮門義路坊外青雲路坊廢雲路巷何家小巷

憲司官街

依仁激揚二坊俱廢大井頭街里仁坊廢

舊鼓樓街

會家巷 衛壕子街

軍儲倉街

北樓灣 漢川門街

甲二東抵河東書院巷內小教場西抵胡總兵巷南抵一字門北

抵嚴家巷白石牌坊

黃岡縣志

卷之三

廂鎮

十五

姚家閣街

依仁文明二坊胡總兵巷 半邊街 沙井巷

城隍廟坡街

坡仙坊後重建題曰東坡故居廢今坊曰東揖李指揮巷

預備倉街

紫薇行省並敷教二坊俱廢 報恩寺巷

新街

孟指揮巷

賈家街

文明坊廢 胡總兵巷

一字門內街

思賢坊廢

六劉巷

河東書院坊 萬家巷

甲三東抵清淮門西抵鼓樓岡南抵嚴家巷北抵覽勝亭

鼓樓下正街

朱衣巷

洗白街

紅水巷 金家巷 方家巷 古井火巷

縣學前街

懷德坊廢

南察院街

於家巷 嚴家巷

北察院正街

御史臺坊

郭家灣

北樓灣 呂家巷

甲四城外東抵濠溝口西抵大江南抵下新河北抵清源門

觀風橋沙街

拱辰坊廢

中馬頭街

拱辰坊廢

東城濠街

水驛前街

駐節坊廢

新街 會同坊 夫灣巷 世禮之門坊 賈氏巷 以上舊

河街 會同坊 鐵家巷 河灘街 以上舊十甲

元妙觀街 永安坊廢 高廟巷 民天坊廢 便民倉巷 以上舊九甲

五甲 東抵漢川門西抵小河南抵威遠關北抵紅砂嘴

上馬頭街 永安坊 林家 磯窩正街 思賢坊 以上舊十二

六甲 今屬東弦鄉 前志載東抵古滴樓西抵東門橋南抵東樓閣 北抵龍王廟 十字街懷德坊 四牌樓街

忠顯廟街 花園岡街 以上舊四甲改屬六甲

七甲 東抵定惠書院西抵會同岡口南抵安國寺北抵一字門

十字街 來遠坊 會同岡街 會同坊 會同巷

鐵石邊街 拱辰坊廢 東城濠街 懷德坊 以上舊五甲 崇仁坊 陶家巷舊

九甲 長塘街 古名栖鳳窩 俊賢坊

南塔寺街 鐵甲巷 安國寺街

黃岡縣志 卷之三 廂鎮 十六

榆木橋街 以上舊六甲 定惠院街

槐樹岡街 孤老院街

來遠橋街 來遠坊廢 西城濠街 以上舊四甲

八甲 東抵西湖橋西抵金華橋南抵十里鋪北抵合山橋即相隱

橋

教場街 仙源坊廢 馬驛街 飛火巷

河灘街 以上舊七甲 新橋街 洗馬池巷 打錫巷

守備司街 仙源坊 藍家 太平橋街

省志廂坊里二東至後湖河泊所南盡樊口武昌山西望磯 高湖北東盡於鬼神壇烏龜石是為黃岡廂按對江南岸得 勝洲馬橋凌家灣至樊口北岸東港高付溝下及巴河對岸 打石廠皆縣屬地多軍屯俱附廂坊

東弦鄉縣東三里轄里七 呂陽三村黃土一村黃土二村城子 一村城子二村魚博一村魚博二村

分區十八 邱五里墩 店陶路 店口 劉家樓 孟博 王家店

鷓子湖 濬子口 堵城 灌口
余家灣 韋家亭 臨江鋪 松楊鋪

還和鄉縣東五十里轄里七 昔田一村昔田二村昔田四村橫
村分區七 迴龍山 楊家畝 新名白虎寺 上巴河 沙河頭

永甯鄉 上鄉縣東北百二十里轄里十二 西潼一村西潼二村西
二村東平三村午穀二村午穀三村石尉五村分區十 但店鎮

二村東平三村午穀二村午穀三村石尉五村分區十 但店鎮
尉一村石尉二村石尉三村石尉五村分區十 但店鎮

賀家坳 牛車河 賈家廟 三里畝
茅田 李婆墩 七道河 項家廟

慕義鄉 上鄉縣北百二十里轄里九 白虎一村白虎二村東把
下鄉縣北百五十五里轄里九 一白虎一村白虎二村東把

永甯二村城南四村分區十 金雞山 宋家牆 蔡店
城南二村城南四村分區十 金雞山 宋家牆 蔡店

永甯二村城南四村分區十 金雞山 宋家牆 蔡店
永甯二村城南四村分區十 金雞山 宋家牆 蔡店

永甯二村城南四村分區十 金雞山 宋家牆 蔡店
永甯二村城南四村分區十 金雞山 宋家牆 蔡店

上伍重鄉縣北百三十里轄里九 校魚一村校魚二村青邱一
一村靈陂二村靈陂三村靈陂四村青邱二村青邱三村靈陂

破三村三屯一村分區九 徐靛鼓 鐵冶 校魚寺
破三村三屯一村分區九 徐靛鼓 鐵冶 校魚寺

破三村三屯一村分區九 徐靛鼓 鐵冶 校魚寺
破三村三屯一村分區九 徐靛鼓 鐵冶 校魚寺

黃岡縣志 卷之三

下伍重鄉縣北百里轄里八 久長一村久長二村久長四村板
三村歐陽二村分區五 舊柳林河 夏家畝 淋山河

三村歐陽二村分區五 舊柳林河 夏家畝 淋山河
三村歐陽二村分區五 舊柳林河 夏家畝 淋山河

庶安鄉 上鄉縣北一百五十里轄里十三 安仁一村安仁二村安
三村長樂一村長樂二村長樂三村長樂四村分區十一 汪家

三村長樂一村長樂二村長樂三村長樂四村分區十一 汪家
三村長樂一村長樂二村長樂三村長樂四村分區十一 汪家

三村長樂一村長樂二村長樂三村長樂四村分區十一 汪家
三村長樂一村長樂二村長樂三村長樂四村分區十一 汪家

中和鄉 下鄉縣西北百里轄里九 雙柳一村松固二村感化一村
車埠三村武樂二村分區十九 東馮集 周山鋪 畢家鋪 倉埠

車埠三村武樂二村分區十九 東馮集 周山鋪 畢家鋪 倉埠
車埠三村武樂二村分區十九 東馮集 周山鋪 畢家鋪 倉埠

車埠三村武樂二村分區十九 東馮集 周山鋪 畢家鋪 倉埠
車埠三村武樂二村分區十九 東馮集 周山鋪 畢家鋪 倉埠

車埠三村武樂二村分區十九 東馮集 周山鋪 畢家鋪 倉埠
車埠三村武樂二村分區十九 東馮集 周山鋪 畢家鋪 倉埠

團風鎮縣北五十里廂坊轄里二 一廂上街 舊編甲七
一倉前正街 崇德坊 華光廟巷 上正街 鮮魚水巷 河街 水巷

一倉前正街 崇德坊 華光廟巷 上正街 鮮魚水巷 河街 水巷
一倉前正街 崇德坊 華光廟巷 上正街 鮮魚水巷 河街 水巷

二急遞鋪正街 後廂坊 鮮魚古巷
二急遞鋪正街 後廂坊 鮮魚古巷

三 後街 時雍坊 十字街 永懷坊 前街巷 後湖小巷

四 上正街 時雍坊 盧公隄巷 下正街 相公廟巷

五 史壩正街 咸甯坊 行宮廟巷 雷壇正街 磁器巷

六 上馬頭街 歛福社 紙巷口 下馬頭街 橫河橋街 陶家巷

七 司前正街 馬頭小巷 上河街 馬頭巷

半邊街 宋家巷 河西正街 永清坊 橫河渡口

巡司汎地詳後

陽邏鎮縣西北一百二十里轄里二二廂上街舊編甲五

甲一 磯窩正街 永嘉坊

甲二 驛前正街 永茂坊 蓬萊寺巷

甲三 唐子巷正街 懷遠坊 孝弟坊

甲四 司前正街 永慶坊 朱紫巷

黃岡縣志 卷之三 廂鎮 六

甲五 下正街 永齡坊 禮子巷

巡司汎地詳後

但店鎮縣東北一百一十里轄里二二廂上街編甲九

甲一 萬壽宮後街 永豐坊

甲二 下店 韓家社

甲三 中店 韓家社

甲四 田街 韓家社

甲五 衙前正街 永豐坊 十字街

甲六 正街 永豐坊

甲七 正街 永豐坊 長者里

甲八 正街 永豐坊 萬壽橋東嶽廟

甲九 龍頭街 永豐坊

巡司汎地詳後

倉子埠鎮縣西北一百三十里轄里二一廂上街編甲五

甲一 正街南街

甲二 正街北街

甲三 橫街

甲四 東鄉街

甲五 黃陂街

巡司汎地詳後

汎地前志仍舊巡捕典史團風陽邏兩巡檢三員分轄各鄉區
自乾隆二十七年奉文敬陳等事裁汰湖北省之山陂等處
各驛丞案內並准黃岡縣但店鎮地方添設巡檢一員將原
屬巡捕典史所領承甯一鄉團風巡司所領上伍重一鄉歸

黃岡縣志

卷之三

廂鎮

十九

於添設但店巡司管轄又嘉慶十四年知縣關維紀以縣西
北離城一百四十里之倉子埠與黃陂黃安兩縣犬牙相錯
其附近之三店等處皆人烟稠密竊劫頻仍專管之陽邏司
又以陽邏為江漢門戶匪徒所由出入未便遠離查察難周
詳准奉文於倉子埠添設巡檢一員以資巡防照例於通省
內隨時改調不得具奏增添惟黃州府獄並無長禁人犯司
獄間冗事務可歸經歷兼管即裁府司獄作黃岡縣倉子埠
巡檢倉子埠地方在陽邏但店二巡檢汎地之中將陽邏巡
司原管之倉子埠羊皮廟等處十六區但店巡司原管之校
魚寺葉顧岡二區改歸倉子埠管轄將團風司所管之汪家
鋪劉家集二區撥補陽邏司專管按前志仍舊於分汎地方
撥存留名數均係明制查今黃岡縣民壯五十名內雍正十
一年撥給團風陽邏二巡檢各民壯四名又奉裁民壯二各

乾隆二十六年撥給武黃同知民壯六名二十七年添設但
店巡檢抽撥民壯四名嘉慶十四年添設倉埠巡檢抽撥民
壯四名又各巡司弓兵徭編除裁餉並撥抵經制外存剩團
風司徭編五名永充見役四十三名陽邏司徭編五名見役
五十七名
餘詳賦役

巡捕典史今分管汎地三十二區區一保正

城內外共七甲甲一保正為一區

東五里墩 路口 戚家嶺

邱店 南湖 陶店

孫家嘴 王家店 劉家樓

孟鉢 澗子口 俱東弦鄉 上巴河

橫溪寺 沙河頭 新店

東迴龍山 楊家畝 百福寺 還和全鄉

鷓子湖 灌口 城韋家亭

黃岡縣志

卷之三

廂鎮

三

堵城 柰家灣 俱東弦鄉

城西得勝洲 馬橋 凌家灣

市港 高付溝 西長圻上塲

長圻下塲 對江樊口 打石廠 俱廂坊鄉

團風鎮巡檢今分管汎地二十二區區一保正

團風鎮 廂坊鄉 松楊鋪 臨江鋪 俱東弦鄉

鴨蛋洲 羅湖洲 俱廂坊鄉 金雞山

蔡店 礮子河 花園鋪

竹瓦店 宋家牆 淋頭畝 俱慕義鄉

淋山河 夏家畝 柳林河

黃林壑 舊街 俱下伍重鄉 辛家衝

新州 俱慕義鄉 馬驛鋪 濫泥鋪

矮林鋪 俱廂坊鄉

陽邏鎮巡檢今分管汎地一十六區區一保正

陽邏鎮 屬廂坊鄉 雙柳鋪 龍口

汪家鋪 粉壁鋪 曹衝鋪

畢家鋪 毛家集 王家集

張家集 俱中和鄉 余家店 汪家集

彭陳畝 張店 錢家堡 俱庶安鄉

劉家集 慕義鄉

但店鎮巡檢今分管汎地一十七區區一保正

但店鎮 溢流河 賀家坳

牛車河 三里畝 賈家廟

李婆墩 項家廟 七道河

黃岡縣志 卷之三 廂鎮 三

茅田 俱永寧鄉 道觀河 易家河

鐵冶 上謝店 下謝店

徐靛鼓 潘家塘 俱上伍重鄉

倉子埠鎮巡檢今分管汎地一十八區區一保正

倉埠鎮 羊皮廟 周山鋪

陶山鋪 三山鋪 孔家埠

李家集 東馮集 西馮集

沙口 俱中和鄉 葉顧岡 校魚寺 俱上伍重鄉

柳子港 東三店 西三店

周余堡 嘉魚村 石屋山 俱庶安鄉

赤壁磯鎮考明會典設有巡檢久廢

三江口鎮城北三十里隔江接武昌界 按輿地紀勝在團風鎮下有江二路而下會此

而三舊省志作三江口關明設守備於此徭編弓兵三十三名
又增九名今並裁存永充四十八名支餉裁餉詳賦役
關

威遠關 在清源門右

陽邏關 城西北陽邏鎮隔江接武昌府江夏界亦以關名省志
按九域志黃岡縣有齊安久長靈山團風陽邏沙湖龍

坡七鎮一統志載宋置堡於此東接蘄黃西抵漢沔南
渡江至鄂北距五關乃要害地明初設指揮守關後廢

鹿城關 明史載縣有鹿陂關隋志置
木蘭縣處疑在黃陂非黃岡

大活關 省志縣有大活關考唐志關在黃陂縣北玉海云白沙
關至大活關六十里大活關至州北二百里則非黃岡

之地
可知

祠祀

國朝之制郡縣皆建

廟

壇典至鉅也至於神靈所庇蔭

賢哲所栖遲以及忠孝節義皆置祠設主各視其地之所有而崇奉之事有司存亦禮以義起黃自兵燹後一切祠祀次第修舉即間有增益要皆因而創一一誌之昭其慎也

社稷壇在清淮門外東北三里

基長十三丈廣十丈

明洪武中建

府舊志正統中

知府錢敏已植松建房置器未詳何時毀

正德間擴復之

國朝雍正十年知縣暢于熊奉文修建清隱佔甃石臺歲春秋二

仲上戊日出主於壇而祭之

社主左

稷主右共支餉銀

一十兩縣附郭知府主之

祭品

帛一色黑

羊豕各一劔一簋二

黍稷

籩二

稻粱

豆四

醢醢青菹韭菹鹿脯

爵三罇一

黃岡縣志

卷之三

祠祀

三三

禮節

祭日各官衣朝衣禮生引承祭官至拜位通贊唱執事者各執其事陪祭承祭官各就位通贊唱瘞毛血禮生

引詣盥洗所贊盥洗淨巾引詣香案前贊迎神各官行二跪六叩禮興行初獻禮禮生引詣

神位前跪奠帛獻爵叩頭興詣祝位跪眾官皆跪宣讀祝文畢承祭官叩頭興引唱復位贊唱行亞獻禮引詣

神位前跪獻爵叩頭興復位贊唱行三獻禮如亞獻儀通贊唱飲福受胙引唱詣飲福受胙位跪飲福酒受福胙叩頭興

謝胙一跪三叩禮興復位通贊唱撤饌送神行二跪六叩頭禮興通贊唱司祝者捧祝司帛者捧帛各詣燎所引唱詣望

燎位焚畢復位通贊唱禮畢各官退

祝文

惟

神奠安九土粒食萬邦分五色以表封圻育三農而蕃稼穡恭

承守土肅展明禮茲居仲春秋聿修祀典庶芡芡松柏鞏磐石

於無疆翼翼黍苗佐神倉於不匱尚饗

神祇壇在一字門外里許

基長十九丈四尺廣七尺

明正統間知府錢敏重

修府舊志載有神廚宰牲房左右齋宿房今並廢

國朝雍正十年知縣賜于熊奉文修建清隱佔甃石臺歲春秋祭

以祭社稷之日 風雲雷雨居中 山川左 城隍右共支

餉銀一十兩粵祭及祭厲均詣壇將事 縣附郭府主之

祭品 帛七色俱白 釧二罇一爵二十有一餘品禮節與

社稷壇同

祝文

惟

神贊襄天澤福佑蒼黎佐靈化以流形生成永賴乘氣機而鼓
盪溫肅皆宜磅礴高深長保安貞之吉憑依鞏固實資捍禦
之功幸民俗之殷盈仰

神明之庇護恭修歲祀正值良辰敬潔豆籩祇陳牲幣尚饗

黃岡縣志

卷之三

祠祀

三

壇祭省志祀禮凡壇前壇後祠宇壇高二尺一寸廣二尺五寸牌高二尺四寸廣六寸座高五尺廣九寸五分

先農祠宇正房三配房各一正房中供

東配房買辦祭品西配房看守農民居住藉田四畝九分坐

落東郊咸豐六年賊擾郡城該田被掘成濠知縣陳汝蕃勘
明只剩田三畝著佃民
每年繳錢六千供祭

先農壇在清淮門外玉几山下雍正五年知縣樊大元奉文修

建傍藉田如制每歲仲春亥日巳時致祭午時行耕藉禮縣附

郭府主之祭日承祭官率各官請 神位供於壇上衣朝衣行禮

祭畢送 神入祠

祭品 帛一色白餘品禮節與

社稷壇同

祝文

惟

神肇興稼穡粒我烝民頌思文之德克配彼天念率育之功常
陳時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願五風
十雨嘉祥恆沐於

神庥庶幾九穗雙歧上瑞頻書於大有尚饗

耕藉禮節

一官捧青箱一官播種各官俱用右手扶犁左手執鞭各行九推禮農夫終畝各回官廳更朝衣望闕恭行三跪九叩頭禮縣附郭知府秉未佐貳執青箱知縣播種乾隆七年奉文以藉田存穀變價銀五兩備祭如不敷用

耕藉

器物農具一赤色牛一黑色籽種一青色人役耆老一牽牛農夫二扶犁農童六唱歌

常雩祭在 神祇壇行禮祭日孟夏之吉禮節亦同乾隆七年

奉文支餉銀五兩

司庫給

致祭若歲間不再諏辰撰文備牲牢

黃岡縣志

卷之三

祠祀

三五

籩豆香帛尊爵饌饈之屬守土長吏率屬素服祈禱儀與常
祀同既應而報陳設供具朝服行禮與祈祀同

祝文

恭膺

詔命撫育羣黎仰體

彤廷保赤之誠勤農勸稼俯惟蒟屋資生之本力穡服田令甲爰

頒肅舉祈年之典惟寅將事用申守土之忱黍稷惟馨尚冀

明昭之受賜來牟率育庶俾豐裕於蓋藏尚饗

文廟

一在府儒學內歲春秋二仲上丁日祭共支餉銀五十兩
乾隆七年均祭減一十兩增香燭祭米折銀一兩五分餘詳

府志

一在縣儒學內歲春秋二仲上丁釋菜以縣附郭禮從殺共支

餉銀一十二兩乾隆七年均祭增二十八兩香燭祭米折銀一兩五分規制祭典禮節樂章舞節配享從祀詳學校志

崇聖祠俱在儒學內春秋二仲上丁日祭共支餉銀一十四兩四錢乾隆七年均祭減七兩四錢詳學校志

武聖宮在清源門內報恩寺右咸豐間燬於賊同治四年知府黃益杰移建府城隍廟右春秋行禮一在城南一字門外明成化中知府王霽建同

治十年七甲士民募貲重修一在白樓窪光緒五年協營弁民捐貲重建

國朝雍正七年奉文春秋二仲上戊及誕日三祭牲用太牢共支

餉銀三十五兩七錢四分六釐咸豐四年升入中祀添設舞佾通行在案

祭品 牛一 羊一 豕一 豉一 簋二 籩二 邊十

豆十

黃岡縣志

卷之三

祠祀

五

禮節 祭日贊引引承祭官進左旁門至盥洗所贊盥洗畢引

位引承祭官就位立典儀唱迎神司香捧香盒就香爐左立

贊引承祭官就香爐前立司香跪贊引贊上香承祭官接炷

香插爐內又上塊香三次畢贊引贊復位承祭官復位立贊

引贊跪叩興行三跪九叩頭禮典儀唱奠帛爵行初獻禮司

帛司爵將爵帛捧至

神位前奠帛爵跪獻畢行三叩頭禮退執爵官立獻畢退讀祝

讀祝位前行一跪三叩頭禮捧起祝文立贊引贊跪承祭官

神位前安盛帛盒內畢行三叩頭禮退贊引贊叩興承祭官行

三叩頭禮興立典儀唱行亞獻禮執爵照初獻禮獻畢退典

儀唱行三獻禮執爵自案右照亞獻禮獻畢退典儀唱撤饌送

神贊引隨贊跪叩首興承祭官行三跪九叩頭禮畢興暫立

神位前俱跪捧祝帛饌各詣燎位捧祝帛捧饌各至

神位前俱跪捧祝帛饌各詣燎位捧祝帛捧饌各至

立贊引贊詣望燎位承祭官至爐前焚訖贊引贊禮畢退

祝文 惟 神星日英靈乾坤正氣允文允武紹聖學於千秋至大至剛顯

神威於六合仰聲靈之赫濯崇典禮於馨香茲當仲春用昭秋時饗惟祈

昭格克鑒精虔尚饗

五月十三祝文

惟

神九宇承麻兩儀合撰崧生嶽降湖誕聖之靈辰日午天申屆
恢台之令序聰明正直壹者也千秋徵辟饗之隆盛德大業
至矣哉六幕肅馨香之薦爰循懋典式展明禋苾芬時陳精
誠

鑒格尚饗

樂章

格平之章 迎神

黃岡縣志

卷之三

祠祀

三

懿鑠兮焜煌

神威靈兮赫八方偉烈昭兮累禋祀事明兮永光達精誠兮黍
稷馨香儼如在兮洋洋

翊平之章 初獻

英風颯兮

神格思紛羽蓋兮龍旂颯桂醕兮盈卮香始升兮明粢惟降鑒
兮在茲流景祚兮翊昌時

恢平之章 亞獻

觴再酌兮告虔舞干戚兮合宮懸歆苾芬兮潔蠲扇巍翼兮
神功宣

靖平之章 終獻

鬱鬯兮三申羅邊簋兮畢陳儀卒度兮肅明禋

神降福兮宜民宜人

彝平之章 徹饌

物惟備兮咸有明德惟馨兮

神其受告徹兮禮終罔咎佑我家邦兮孔厚

康平之章 送神奏其一望燎奏其二

幢葆葳蕤兮

神聿歸馭鳳軫兮驂虬駢降烟熅兮餘飶馡願回靈盼兮德洽

明威 其一

焄蒿烈兮燎有輝

神光遙燭兮祥雲霏祭受福兮茂典無違庶揚駿烈兮永奠

畿 其二

祭後殿 咸豐四年追封王爵

黃岡縣志

卷之三

祠祀

三六

光昭王正中南向

裕昌王東一室南向

成忠王西一室南向

後殿祭品 羊一 豕一 釧二 簋二 籩二 遵八

豆八

禮節

行二跪六叩頭禮承祭官請各爐前上香餘同前

後殿祝文

惟

王世澤貽庶靈源積慶德能昌後篤生神武之英善則歸親宜

享尊榮之報列上公之封爵

錫命優隆合三世以肇禮典章明備恭逢諏吉祇事

薦馨尚饗

後殿五月十三日祝文

惟

王迪德承家累仁昌後崧生嶽降識毓聖之有基木本水源宜
推恩之及遠封爵特超於五等馨香永薦於千秋際仲夏之
屆時命禮官而將事惟祈

昭格鑒此精虔尚饗

文昌祠在府儒學內康熙四十年知府許錫齡建嗣後屢經修
葺咸豐初燬同治間知府黃益杰建廟龍神祠側舊址建爲
關聖廟光緒五年邑紳稟請復舊每歲春以二月初三日
聖誕秋以欽天監選定吉日致祭咸豐六年升入中祀添設舞
佾祭品禮節俱照祭
關帝儀

黃岡縣志

卷之三

祠祀

五

春秋二祭祝文

惟

神道闡苞符性敦孝友並行並育德侔天地以同流乃聖乃神
教炳日星而大顯仰鑒觀之有赫示明德之惟馨茲當仲秋
用昭時享惟祈

歆格克鑒精虔尚饗

二月初三日告祭祝文

惟

神功參橐籥撰合乾坤溯誕降之靈辰三台紀瑞度中和之令
節九宇承暉若日月之有光明闡大文於孝友如天地無不
覆載感邇治於馨香爰舉上儀敬陳芳薦精禋罔斁

神鑒式臨尚饗

樂章

丕平之章 迎神

秉氣兮靈躍翊文運兮赫中天蜺旌兮戾止雕俎兮告虔迓
神庥兮于萬斯年

倣平之章 初獻

神之來兮邊籥式陳
神之格兮几筵式親極昭彰兮靈貺致蠲潔兮明禋升香兮伊
始居歆兮佑我人民

煥平之章 亞獻

再酌兮瑤觴燦爛兮庭燎之光申虔禱兮

神座儼陟降兮

帝旁柔醴潔兮齋邀將綏景運兮靈長

黃岡縣志

卷之三

祠祀

三

煜平之章 終獻

禮成三獻兮樂奏三終覃敷元化兮絜

神功馨香達兮屏饗通歆明德兮昭察寅衷

懿平之章 徹饌

備物兮惟時告徹兮終禮儀

神悅懌兮鑒在茲垂鴻佑兮累洽重熙

蔚平之章 送神奏其一 望燎奏其二

雲駢駕兮風旂招

神之歸兮天路遙瞻翠葆兮企丹霄願迴靈眷兮福我朝

其一

烟煜降兮元氣和

神光燭兮梓潼之阿化成耆定兮櫜弓戢戈文治光兮受福則

那 其二

祭後殿

文昌帝君先代神位祭品禮節俱照

關帝廟後殿儀

後殿祝文

教貽式穀垂抑邪扶正之規禮重升馨著崇德報功之典載稽譜牒祇肅苾芬惟

文昌帝君學裕本原道參位育緬馨香之邇治久極尊崇申報

享之隆文宜昭誠敬聿升中祀式舉上儀於戲德迪前光十

七世仁風普洽慶餘積善億萬年文運長新敬布明禋尚祈

昭鑒尚饗

後殿二月初三日祝文

惟

黃岡縣志

卷之三

祠祀

三

文昌帝君道備中和神超亭毒稟貽謀而允紹欽毓聖之有基

雲漢昭回際嶽降崧生之會馨香感格興水源木本之思式

肇明禋用光彝典尚祈

神鑒享此清芬尚饗

江神廟先在清源門外上新河觀瀾橋西之北乾隆五十四年

知縣王正常倡捐勦建於赤壁左賓館後今廢歲春秋仲月吉

日致祭祭品 帛一色白豕羊各一酒爵三果食八盤鑪鐙具

禮節祭日主祭官衣蟒衣禮生稟請行禮至盥洗所贊盥洗畢引至殿內行禮處立通贊唱執事者各司其事主祭

官就位陪祭官各就位瘞毛血迎

神行九叩首禮興行初獻禮引唱請酒尊所司尊舉罍酌酒詣

神位前跪進帛進爵叩興諸祝位前跪眾官皆跪讀祝畢叩頭

俱興復位通贊唱行亞獻禮如初獻儀行三獻禮如亞獻儀

通贊唱飲福受胙引唱請飲福受胙位跪飲福酒受福胙叩

頭興謝胙一跪三叩頭興復位通贊唱撤饌送神行九叩禮興司祝捧祝司帛捧帛各詣沈帛所引唱

詣望沈帛位引承祭官至江邊揖復位禮畢退班

祝文

惟

神位列四瀆之首澤沛三楚之中源發於岷與中北而共派流

歸於海合汝漢以朝宗維茲仲春秋謹以香帛酒醴粢盛庶品

式陳明薦尚饗國朝王正常新建鎮江王廟碑記江為四瀆首源出岷山水經謂自天彭關東逕汶關

又東別為沱過犍為歷江陽至巴郡與涪水合長沙與澧水

湘水合江夏與沔水漢水合由黃而蘄春而九江以達於江

之左右水德靈長利濟萬物必有神以憑之禮四瀆視諸侯

貴與五嶽等自唐及明江瀆代有封號國朝勅封涵和大

江之神蓋崇實也而民間所通祀者則以楊四將軍為鎮江

王由來舊矣余生於蜀宦遊於楚所見沿江數千里俱有鎮

江王廟凡舟子賈人莫不肖像以祀朝夕辨香唯謹世又多

傳靈異事以故鎮江王之祀獨隆黃郡舊有祠在城南觀瀾

亭側湫隘弗稱迄乾隆戊申大水波蕩無存余登赤壁遙望

盈盈帶水風帆上下往來如織安瀾之慶非神所賜乎苟無

以奠厥居而虔禮祀非所以崇明德也於是合眾捐貲移建

於赤壁之左為屋三重最後位鎮江王像繚以磚垣翼以迴

廊門以司啟閉木石夫役用錕六百有奇經始於己酉春夏

之交閱五月落成捐貲諸姓氏例得誌諸石抑余聞有功德

祠祀

三

黃岡縣志

卷之三

於民及禦大災捍大患則祀之非是族也不在祀典江吞吐

百川風波怪變神能鎮以安瀾俾舟之人不知風波之惡而

涉險如夷其報功也固宜顧楚中所傳江神有何三王丁山

王以及晏公蕭公時人與鎮江並祀其事均不可考豈辨方

定位分疆而理歟抑傳聞異辭歟夫幽明之故難言矣太上

先成民其次辨之其次因之為附記於此以諗來者乾隆五

十四年八

月刻石

龍神祠舊在河東書院右嘉慶二十一年知府吳之勤捐置府

城隍廟西民房剏建年久傾圮道光二十一年知縣王合儀

咸豐七年知縣黎道鈞先後重建一在清淮門外聚寶山麓每

歲春秋二仲致祭如祭江神廟儀每祭銀五兩現係由縣捐廉

祝文

惟

神德洋寰海澤潤蒼生允襄水土之平經流順軌廣濟眾源之
用膏雨及時績奏安瀾占大川之利涉功資育物欣庶類之

蕃昌仰藉

神庥宜隆報享謹遵祀典式協良辰敬布几筵肅陳牲幣尚饗
府城隍廟在坡仙坊十八坡上東北明初勅封鑒察司民威靈
公秩正二品建廟

國朝康熙間知府賈鉉修乾隆九年知府禹殿鼇乾隆六十年知

府先福舒山道光二年知府成善八年知府周維垣疊次重

修同治五年知府黃益杰重建歲無特祀惟厲祭主之春秋

二仲附祭於 神祇壇

縣城隍廟在縣署故址前左明初勅封鑒察司民顯佑伯秩正

四品建廟道光二十六年署縣劉鴻庚知縣王令儀劉江重

修同治二年知縣陳汝蕃重建

郡厲壇在清淮門外三里民田中高阜

基長七尺廣四尺五寸

明初建歲

黃岡縣志

卷之三

祠祀

三

三月寒食節七月望十月朔日前期知府飭所司具香燭公

服詣

城隍廟焚牒以祭厲告

上香跪三叩興退

至日黎明禮生奉請

城隍神位入壇中

香案爐鏡具

壇下榜無祀鬼神分祀之羊豕各三

米飯三石香燭酒紙隨用共支餉銀一十二兩乾隆七年均

祭減銀五兩增厲祭米折銀一兩二錢二分壇今設赤壁

例

北郊合

禮節

禮生引守土官公服詣贊上香守土官三上香贊叩興守土官三叩興退執事

城隍神位前贊跪守土官跪

焚楮帛守土官詣燎鑪前祭酒三爵退

城隍神位禮生奉還入廟 舊志別有鄉厲壇今無考

祝文

遵承禮部劄開闔境無祀鬼神等眾事欽奉

皇帝聖旨普天之下后土之上無不有人無不有鬼神人鬼之道

幽明雖殊其理則一今國家治民事神已有定制尚念冥冥之中無祀鬼神昔爲生民未知何故而歿其間有遭兵刃而橫傷者有死於水火盜賊者有被人取財而逼死者有遭刑禍而負屈死者有天災流行而疫死者有被人強奪妻妾而死者有爲猛獸毒蟲所害者有爲飢餓凍死者有因戰鬪而殞身者有因危急而自縊者有因牆屋傾頽而壓死者有死後無子孫者有子孫不能祭祀者此等鬼魂或終於前代或歿於近世或兵戈擾攘流移於他鄉或人煙斷絕久缺其祭祀姓名泯沒於一時祀典無聞而不載此等孤魂死無所依精魄未散結爲陰靈或依草附木或作妖爲怪悲號於星月之下呻吟於風雨之時凡遇人間節令心思陽世魂杳杳以無歸身墮沈淪意懸懸而望祭興言及此憐其慘悽故勅天

黃岡縣志

卷之三

祠祀

三

下有司依時享祭期於神依人而血食人敬神而知禮仍令本處城隍以主此祭欽奉如此不敢有違謹設壇於城北置新牲醴羹飯專祭本府闔境無祀鬼魂等眾靈其不味來格來歆尚饗

里社土穀壇

舊志城十二日隆孝思忠主信居仁由義立禮秉智崇德安土樂天明文興讓社有長春秋社日祭

土穀之神既畢會飲讀法明宏治己未一行之

旗纛廟在衛署左衛守備歲以霜降日致祭明初創建

國朝雍正三年守備方玉璣乾隆間守備唐舜仁道光間守備王裕慶相繼修葺咸豐初賊燬九年守備趙發科同旗丁重建

名宦祠

詳學校志

鄉賢祠

詳學校志

忠義孝弟祠

詳學校志

昭忠祠在報恩寺 關帝廟右嘉慶八年署知縣顧澍奉文建
道光二十三年祠燬千總程大勳知縣劉江改建馬王廟側
祀陣亡兵勇每春秋部期祭日在建曠銀內文祭銀四兩率
其子孫致祭祭品禮節與名宦祠同咸豐三年祠被兵燬
祝文

臨陣出力存則議敘歿則

旌功分無論崇卑效死者重名不拘士庶殉難為忠既慷慨而捐

軀用昭忠而祠祀茲當仲春秋特將牲帛凡在陣亡伏冀來格

尙饗

祠祀陣亡官兵義勇銜名

黃州協營勦捕教匪陣亡把總胡金柱

宜昌府東湖縣人寄籍蘄水縣

道士泐營勦捕教匪陣亡外委鄒元熊

本縣人

黃岡縣志

卷之三

祠祀

三五

黃州協營陣亡兵丁

馬兵 葉之秀 涂起元 易步鼇 陳世朝 馮占魁

陳上達 凌連升 俱本縣人

戰兵 瞿光全 杜清 俱本縣人

守兵 朱大志 張啟太 江元 唐貴 胡承先

陳國太 呂鳳彩 胡得龍 桂上達 王華

張元 桂士魁 魏宗連 余世華 牛必貴

孫正安 曾連升 汪楷 華元亮 李發

徐貴 梅開緒 艾得元 歐士貴 湯升 俱本縣人

高榮 張林高 俱蘄水縣人

蘄州營陣亡兵丁

馬兵 羅明 黃梅縣人

守兵 夏德明 蕪州人 石得升 黃梅縣人 俱剿苗匪陣亡

戰兵 王進 蕪州人

守兵 范有 蕭全 楊發 李有升 王啟

華得榮 王光元 張萬春 胡占元 俱蕪州人

張法 鄒元 萬勝 陳興 錢正邦 俱黃梅縣人

羅永茂 劉啟 方從周 李材

寇奉有 俱廣濟縣人 剿捕教匪陣亡

道士 泐營陣亡兵丁

馬兵 孫殿華 廣濟縣人

守兵 張炳勝 蕪水縣人 王勝文 徐廷發 廣濟縣人

鄭漢雲 袁文茂 羅聖懷 俱蕪州人 剿捕教匪陣亡

黃安縣堵禦教匪陣亡紳士

黃岡縣志

卷之三

祠祀

三

生員 劉崑 監生 熊之昞 家口 熊萬輝 熊朝文 熊耀楚

熊孔朝 熊立舉 熊大研 張永順

陣亡義勇

吳長雲 孫國棟 高崇元 王大榮 吳登雲

孫瑞岐 萬啟揚 王啟榮 吳正直 孫玉采

王得榮 吳瑞珍 吳正奎 孫良甫 王步雲

吳志隆 吳曾國 孫元善 王大成 吳國名

吳國甫 陳明奎 吳懷元 錢萬秀 魏華國

周遺高 吳禹恆 李在明 陳金文 錢如賢

李廷秀 周廷耀 吳銀玉 吳子隆 陳大勝

錢萬海 吳希聖 吳士國 吳金國 陳相文

甯根意 李廷華 陳啟文 李朝高 王世洛

劉崇禮	李朝相	周耀凱	周光岐	鄒起林
吳金太	周正啟	謝仲仁	鄔正名	沈有文
孫大元	戴文采	周萬雲	周文昌	李化龍
何得名	謝耀文	謝夢瑞	鄧金林	蕭正太
吳成一	吳丙交	周光雲	錢長青	黃興占
何五	謝名華	謝夢黃	謝九州	左成龍
戴輝列	吳繼文	周萬明	吳以珍	任朝付
張世雄	謝名甫	劉正朝	謝名得	左正有
戴紹勝	萬廷甫	周中勝	鄒必文	吳玉采
蔡朝選	謝得升	劉東只	熊方恆	左正太
戴貴華	萬金舟	黃金仲	劉萬青	吳兆獻
吳兆舜	吳世賢	左之昆	易向隆	馬再良
黃茂升	周能甫	吳珍祥	吳自懷	邱正岡
錢伯舟	易豐儀	萬先正	黃茂林	周仲主
吳楚舒	吳之倫	李遵路	孫恆遠	易奉林
陳仲顯	黃洛從	吳兆唐	吳從得	吳之顯
張得周	吳志中	易奉倫	劉金名	吳崇謙
吳兆進	王以成	易丙權	吳岡	吳世隆
熊于朝	熊太朝	熊正乾	石萬玉	熊啟選
熊國言	熊雲朝	熊國允	熊永揚	熊志友
熊志儒	熊文遠	熊化朋	熊宗連	熊貴玉
熊貴賢	熊銀海	熊緒海	熊貴堯	熊宗萬
熊漢雲	熊立朝	熊允林	熊萬仁	聶有德
熊立有	況正興	況朝進	況安國	況定國

况允章	况文秀	况金科	况允青	余仲勝
余士得	余宗勝	李志洛	劉洪得	金天相
陶天只	陶洪學	陶大發	李再萬	喻時文
王朝武	涂兆興	涂兆義	陶步全	陶見中
周德友	李子六	劉九疇	劉志仁	胡國龍
周在國	伍中貴	伍見盈	段士達	段成得
錢朝獻	楊青瑞	李國太	潘士賢	易朝貴
楊青名	閔錦文	盧季瑞	董四	易奎萬
况天相	盧茂伯	盧志高	黃耀名	周聲揚
周漢章	周宗朝	周天笏	劉允名	吳允和
張雲耀	何朝于	陶國相	黃八	王樂山
丁世元	吳四六	陳連	劉金付	熊奉宜

黃岡縣志

卷之三

祠祀

三六

陳國太	方有得	李華	劉仲友	黃士吉
黃士珍	余宗文	戴萬春	羅名揚	甯有成
徐國隆	汪朝太	蕭利見	陳具選	熊丙正
韓大雅	侯正順	汪大海	王志達	高國友
聶文昱	聶有愷	王啟付	陳雲貴	余紀岡
陳觀南	陳仲友	陳東法	陳宇文	曾得方
曾仲貴	張啟奉	錢應保	錢正名	張得保
易得坤	易對生	萬宗笏	萬風宜	易豐來
易宗貴	李豐敖	萬啟雲	李見都	張希烈
彭元朝	萬子順	李從龍	萬奉海	李裕名
沈位武	彭朝勝	劉成先	蔡勝宗	沈金勝
李自化	萬國珍	沈伯朋	李應龍	俱黃安縣人

興國營陣亡兵丁

羅正元 廣濟縣人

四川普安營陣亡兵丁

吳興貴 蘄州人

泰甯營陣亡兵丁

唐功亮 本府人

黃州協營因公淹斃目兵 續入

魏德槐 本縣人

忠義營昭忠祠在北樓窪邑紳劉維楨奉

勅建祀忠義營陣亡弁勇並捐置祭產由營派員經營每年春秋致祭祀位祭產併列於左

祀位銜名

黃岡縣志

卷之三

祠祀

三

軍功劉維名

把總胡步青

軍功陳士林

軍功劉維傳

軍功胡天慶

軍功張玉龍

軍功余道洪

軍功邵童禮

外委易太洪

把總徐傳應

千總雷光耀

外委王開文

軍功王定邦

勇丁楊宗太

勇丁龍吾義

五品軍功朱應隆 以上本縣人

勇丁楊繡青

軍功陳裕元

把總馮宗年

軍功孔於耀

勇丁李昭穆

勇丁李金友

軍功王有成 以上蘄水縣人

勇丁何必先

勇丁李尙謨

以上麻城縣人

外委周富成

把總黃登貴

勇丁鄒正明

勇丁黃有文

勇丁楊科興

五品軍功吳明德

以上黃安縣人

勇丁劉占奎

勇丁汪道奎

勇丁羅國興

以上羅田縣人

勇丁李明太

勇丁傅勝才

遊擊鍾元泰

都司杜永謨

勇丁梁得勝

勇丁李開福

以上蘄州人

祭產

沙子岡田五担二斗七升載民米二担二斗六升九合九勺
一抄五麥糧四升三合七勺承課一百一十八担三斗四升
六合夏家開田三担三斗一升載民米八斗二升承課五十
担黃絲畝田二担八斗一升七合載民米一担二斗八升五
合承課五十一担九斗牛車岡田一担五合載民米一斗五

黃岡縣志

卷之三

祠祀

四

升六合七勺麥糧五合承課二十担一斗石頭嘴田五担九
斗五升載民米二担四斗二升七合四勺三抄五麥糧二升
九合承課一百二十七担二斗路口街後邱家衝田一担八
斗載民米八斗三升麥糧一升四合二勺承課三十九担六
斗合田二十担一斗五升二合共承課四百七担一斗四升
六合又郡城內尙書里坐西向東房屋一所一進三重計八
閒右閒壁房屋一所一進三重計六閒均有後院省城巡道
嶺新興三鋪坐北向南房屋一所前抵官街後齊本宅土牆
左牆屬本宅以牆爲界右抵吳姓牆腳雙柏廟新興三鋪坐
北向南房屋一所前抵官街後抵本宅橫牆左抵張宅右抵
雙柏廟官巷爲界均有案

節孝祠

詳學校志

火王廟在一字門複城內祀古祝融咸豐三年燬於兵同治四年知府黃益杰知縣陳汝蕃移肆洗墨池側向止朔望行香嘉慶二十五年知府成善檄令歲春秋二仲各捐祭費銀五兩諷日致祭祭品禮節視江神

祝文

惟

神職司夏令運主南訛乘朱輪而昭法象秉赤曜以握靈符三星守舍鮮芒角之動搖二歲周天因仁言而退匿民皆安堵賴庇佑於江天

神所憑依效普存於民力時當春秋仲敬具禮儀聿昭肸鬻之誠

三牢隆於往昔爰崇告祝之典九拜肇自今茲用薦馨香庶

其來格尙饗

黃岡縣志

卷之三

祠祀

四

晏公廟在赤壁磯相傳公名戍仔元人封平浪侯今廢一在城內阮家涼亭上

一甲士民公建

蝗神廟在治西北五十里佗鵠洲祀蝗神按神名承忠元時官指揮能驅蝗世稱劉

猛將軍同治五年封號普佑雍正八年其地有蝗官撲滅之因奉文建廟於此春秋府縣官致祭後因洲圯乾隆十四年知縣邵豐鏃

倡募移建團風鎮咸豐三年賊燬光緒六年團風居民重建

忠節祠在舊鼓樓西即相公廟舊址明宏治中知府盧濬建祀唐張巡

宋岳飛趙令歲吳源王遠劉卓何大節附王禹偁蘇軾今廢

大節黃州太守殉宋難

武節祠在安國寺右祀唐張巡有保障江淮功明宏治間建同

知葦厚記祠有降筆祠額

國朝康熙閒以其後為義學曰睢陽書院前名景祐真君廟乾隆

六十年知縣張其章重修並祀唐許遠名雙忠祠年久傾圮

道光二十八年闔郡官紳士商重修今廢明韋厚重修張許二先生祠記宏

治丁巳冬吾湖之天台盧侯希哲以秋官正郎擢守黃郡

吏治以文學有古良吏風越明年政通人和興舉百廢

以正人心息邪說扶植綱常為已任又明年春偕同寅張君

志仁張君士美羅君鵬舉暨厚省耕之餘訪韓魏公書院遺

址於安國寺既復其地又於寺之西偏得所謂真君殿者詢

之父老則曰唐張睢陽巡也侯因歎曰元宗天寶間醜虜陸

梁乘輿播遷公時與許公遠戮力王室保障江淮雖授命顛

危而抗賊喉牙卒致兩京克復論者謂二公之力居多噫莫

神鼎於一時正天常於萬世凡有土者祀之亦宜直以剛正

之氣而膺真君之號我將致而正之祠宇多厯歲年幾不能

蔽風雨我將撤而新之會黃人之溺於邪說者乘農隙賈金

繪扶老攜幼往禱於均之武當殆無虛日侯下令止之且召

於庭諭之曰比歲荆襄篳篥多嘯聚雖渠魁就擒而詰捕

尚嚴若曹越境而往脫為持牒者所拘執玉石遠能分乎希

福罹禍鄉黨自好者甯不承爾羞乎且而境張君者實忠烈

之神靈德庇人昭答如響克修厥祠以供歲事神其不女佑

乎眾皆叩首謝且曰唯命是聽侯遂上其事當道避之乃與

民約哀金推次惟女計功廩餼惟女官無督迫之嫌吏無追

呼之擾民皆感悅及期子來復以義民余文學董其事材之

良者以饑工之巧者以集墾工於是年季春之王申訖工於

祠祀

望

黃岡縣志

卷之三

祠祀

望

孟夏之辛丑不闕月而告成輪奐整飭丹堊輝映廟貌尊崇
垣墉周密復故唐封爵益許公神位表章死烈事實扁揭武
節門號更其牲醴率父老告於神而落之黃之士大夫咸謂
侯之斯舉人心之陷溺者賴以反正邪說之譎張者賴以自
息凡民皆知君臣大義而於父子於夫婦於昆弟於朋友咸
以類感而風俗自無不厚矣凡我邦人不可不知所重與侯屬
厚記其事因次第其顛末并著黃人頌侯之意且告後之牧
是邦者謹修葺以永成績毋以淫祀而取慢神之譏云

韓魏公祠在安國寺左宋韓琦從兄据守黃州於西廂讀書後

郡人就書齋立祠祀之道光二十七年重建詳見讀其傍舊

有王陽明祠今燬國朝禹殿龍重修韓魏公祠堂記昔東

遠土風厚善雖里巷小民知尊愛賢者於王元之韓魏公皆

私之以為吾邦雖小二公嘗辱居焉以誇於四方之人夫直

道在民公好公惡天下之所同因其明而指示之就其事而

獎勸之使之油然樂而忘倦非留心於人心風俗者弗喻

也坡公稱黃人之尊德樂道異於他邦豈非喜其風俗之厚
而與人為善也哉今去坡公已六百餘歲而黃人祀祝之不
異元之魏公亦似有私於蘓公者風土之厚善益信矣麓豫
人也官於黃已三載修赤壁瀆隍渠重建二程書院景仰前
徽啟迪後學亦與黃之民同此公好耳而黃州安國寺僧來
請曰韓公豫之名賢也寺本為公讀書祠歷年久遠黃人不

忍其圯捐有榱棟木石公豫人祈成之余曰豫之賢人君子
著名今古者多矣必豫人始修豫賢之祠則坡公當日以蜀
人而刻豫賢之詩豈有私於豫哉昔公隨其兄瑀讀書於黃
非若王元之有宦蹟之可紀而黃人不忍沒其遺蹟今又樂
於重修使與竹樓赤壁並峙不朽非僅若坡公所云金錫圭
璧被其光輝也凡觀其蹟則必思其人思其公則其人生平
立身行己與夫出處張施之雄抱偉略必將景行而效之如
武侯之自比管樂長卿之雅慕相如以尚友於千古是公之
有造於此邦者大矣豈曰不必施於用也哉余也嘉其意而
相成則固坡公與人為善之志也以為有私於豫者其猶有
蓬之心也夫因委廣文吳君緒榮同郡紳曹君紹烈等董其
事閱三月而告竣以公之兄宋太守琚並祀焉公之詩曰兄
才無不宜吏治孰可偶君子之言信而有徵蓋不異王
元之之有德於黃人也至公功業文章世咸知之不贅

蘇文忠祠一在洗墨池畔明天順辛巳僉事沈靖建後為民居

侵沒知縣茅瑞徵查復增葺

國朝康熙初通判宋犖重修今廢一在赤壁磯邑紳劉維楨重建

國朝宋犖黃州宋賢祠記仕而過黃者靡不言蘇子瞻王
元之至於張文潛秦少游非其忘之即不知之矣仕而過黃
者靡不言子瞻元之之雪堂竹樓至於子瞻墨池非其忘之
即不知之矣余判黃之二年梅川張長人過余而言曰吾黃

黃岡縣志

卷之三

祠祀

三

自兵燹以來諸名勝悉委榛莽如子瞻洗墨池獨趙文敏手
書三字猶存瓦礫中此韓陵一片石也吾君得無意乎余聞
即大喜命輿人移置東齋又三年為康熙己酉余董漕自淮
歸日長無事因念先賢故迹久就荒蕪使後人靡有瞻仰守
土者責也言之太守渤海羅公及九屬諸有位咸捐貲重修
之始從坡仙坊求池之舊址贅砌別壤水泓然瀟欲出池舊
無橋與亭今創建其上以文敏字嵌門簷間既而曰池得矣
兩先生固嘗游黃又蘇門士也遂名曰雪堂堂成猶有餘材
因建樓池之西祠元之名曰竹樓墨池因故址雪堂竹樓非
其地而佐之從名也使游人過客聚而瞻之者不忘也合之
為宋賢祠云祠既成移余書之複者置樓上移余東齋花自
中州來者植池側而旁為數楹招僧末子住其內以供朝夕
於是黃之人若忘其為舊有而煥然新出於耳目之前也不
數月余以先太夫人棄世將去郡歸里惆悵者久之歲且暮
張子長人復自梅川來別余因坦步池上張子曰甚矣先賢
之賴有使君也抑吾聞之昔韓魏公年少以家艱從其兄遊
黃黃人思之為刻其詩於四十年後使君忘之乎又曰吾嘗
讀楚故載東坡洗墨池蛙口食墨而黑黃人殆未之信也是
二說者余憫然念之遂為記又宋賢祠題壁詩地據黃州
勝祠尊宋代賢暉嶸新畫棟疏鑿舊清泉一院松筠茂千年
俎豆虔扶筇同老衲憑弔向春天遂與羣賢遇依稀杖履
相映帶今古鬱蒼蒼一片池邊石傳來文敏書披尋從瓦

礫光彩重璠璣勝賞晨昏得傷心戰伐餘游入談赤壁風景
定何如 移徙堂亭上飛梁結構牢萍香飄曲檻鳥語出天
桃文彩蘇門盛聲望楚地高臨風添嚮往行矣寸心勞 又
張希良宋賢祠詩夢鶴已傳赤壁古食蛙誰記墨池春摩岸
松雪碑中字端賴梅花賦裏人蒼水藏書非故穴元
亭坐酒亦封塵江山樓閣關興廢二十年來感慨頗

三賢祠 卽三賢堂在府儒學內祀宋王禹偁韓琦蘇軾今廢舊志載七賢祠

在清淮門內祀周濂溪程明道伊川張橫渠邵康節朱晦菴
王陽明按七賢雖理學自二程子外於黃無與宜議罷今廢

潘公祠 祀宋潘大臨大觀潘公家樊口其故居久廢為民居道

光初里人買地建祠以祀之今廢

岳忠武祠 在城南隅祀宋岳鄂王飛明宏治己未建舊為鄉約

為府基印星俗呼高廟廟後塘及元妙觀塘皆水星以壓火
災不宜淤塞今祠燬廟為真武觀道光十八年邑人重塑忠
武像祀於大士閣左廂

忠顯廟 在清淮門外宋建炎初趙令晟守黃州值金人陷城死

之贈徽猷閣待制諡忠愍都監王遠判官吳源巡檢劉卓俱

黃岡縣志 卷之三

祠祀 以不屈死州人請立廟祀之

國朝乾隆六十年縣學教諭李敦柱倡率邑士修復設各牌位咸

豐閒廟經兵燹遠安守備吳亮才同關內外紳民重建宋史忠義

傳趙令晟燕懿王元孫安定郡王令裕兄也初名令禛建炎
初仕至鄂州通守領兵戍武昌會山寇闖瑾犯黃州縱掠而
去令晟渡江存撫之黃人乃安宰相李綱言於上擢直龍圖
閣知黃州賜今名奉詔修城凡六月而畢是年賊張遇過城
下招令晟令度不能拒出城見之遇飲以酒一舉而盡曰
固知飲此必死願勿殺軍民遇驚曰先以此試公耳更取毒
酒沃地地裂有聲乃引軍去未幾丁進李成兵迭至令晟俱
擊卻之二年正月東平府兵馬鈐轄孔彥舟反引兵渡淮圍
黃州令晟率民兵固守凡六日乃解三年以內艱去詔起復
時金人聞孟太后在南昌欲邀之徑犯黃州令晟已還在道
郡卒得金人木箭鑿箭浮江告急令晟疾趨夜半入城遷其
老弱移砦武昌以身捍城金人力攻翼日城陷金人欲降之
大罵不屈酌以酒揮之不肯飲又衣以戰袍曰我豈當服金
人曰趙使君何堅執又使拜曰此膝但當拜祖宗豈能拜汝
金人怒鞭之流血被面罵不絕口而死事聞贈徽猷閣待制
諡曰忠愍州人乞立廟宣撫張復奏從之賜額忠顯初城破
都監王遠判官吳源巡檢劉卓皆以不屈死焉遠等均詔旁
祀 國朝李敦柱復趙忠愍公神主碑記出清淮門有古刹

額題忠顯廟肅衣冠瞻拜所奉者土木諸像求所謂忠顯之神主正位不可得覓查邑乘載宋建炎初金人犯黃州州守趙令成死其難州人請立廟祀之詔贈徽猷閣待制諡忠愍而額以忠顯又附同死節人姓名願其語略甚速謁府署得讀大清一統志所載亦都與邑乘等其詳終不可闕也余思人臣盡忠於國亦本分內事何與於民而州人必假廟祀之隆報以俎豆蓋匪特忠義之氣足以激發人心而其恩德之流於州人者亦必有萬不可磨滅之處故人思念之如此其切也今年邑諸生靖君本謙好義士也為余尋求脫脫宋史因得公本傳始知公以隻身扞禦金人州人倚公為保障臂指之使猶如一家孟子所謂與民守之效死而民弗去者是與非與傳載公以鄂州通守成武昌賊闖瑾縱掠黃州公渡江存撫之黃人乃安賊張遇兵過城下招公公出見賊遇飲以酒一舉而盡曰固知飲此必死願無傷軍民遇引以去金人復犯黃州時公丁內艱去詔起復公聞命還方在道州人得金人木笥鑿箭浮江告急公疾趨夜入城遷其老弱越明晨而城陷矣金人欲降公公罵不絕口脅之拜曰吾但當拜祖宗豈能拜汝金人怒鞭之血流滿面仍罵不絕口而死州人乞立廟以祀從之嗚呼可謂賢矣方建炎南渡國已不支所謂半壁江南無一寸乾淨土者而公以文士作官聲援阻絕拒賊數次至於執杯大飲視死如歸猶以無傷軍民為念此其志可悲矣蓋公之所欲保者城也而所欲撫緩者民也保守不得而罵賊以死豈公之本志哉於其固守可以知其忠於其撫緩可以知其仁忠以報君國仁以撫士卒公蓋兼

黃岡縣志

卷之三

祠祀

聖

之矣州人之立廟祀之也宜哉夫古今人心一也忠臣孝子一節之奇苟有見聞雖婦人孺子尚欽而愛之恨不得一親詣其人目覩其事而况公之大節炳炳尤非輕生慕義之徒所可并論者哉迄今才六七百年耳廟貌猶是題額猶是而神主飄落致使忠魂義魄棲泊無定當亦凡為臣子者之所側然也余因另置粉碑書其名諡爵號安厝廟中並為祭言一章祭品三色誦日延士行禮以妥其靈公如有知尚留以昔日之撫綏州人者佑庇今之士庶而士庶亦得於歲時朔望向公一焚檀示敬焉公附祀三何都監王遠判官吳源巡檢劉卓皆城破時同公殉難者也宋史亦云在士倫忠顯廟捐置祭產碑記黃州府城東忠顯廟祀南宋黃州守趙令成者公守黃大節備詳宋史前邑學教諭李公敦柱倡復神主據史以紀其事嘉慶庚辰已刊碑於廟之前殿矣顧其廟之建也則猶有軼事焉按公就義後黃之人歛公遺體葬於武昌縣吉祥寺側聞於朝請立廟專祀額賜忠顯而武昌之廟即仍其名蓋墟墓興哀而馨香致敬數百年來宜如一日但有廟而無祭產不獨廟宇之傾圮莫支即廟祀之香火其費將安出爰與同人捐貲置地契據昭然於此以往產之付廟承永無極而其墓與廟之在武昌者亦得以積其所餘從容尋訪歲時致祭事有一舉而兩得者此類是也用是溯其巔末而為之記程之楨忠顯廟修復趙忠愍公神主詩虜酒可飲飲可死此膝一屈千秋恥吾拜祖宗豈拜爾流血被面罵不止江南寸土無乾淨公以孤城保民命城存與存亡與亡初念豈以一死竟穿齧斷舌氣如虹矯矯龍種

真英雄清淮門外崇廟祀炳然日月標精忠星移物換七百載金字題額懸猶在何年巫覡寶神來泥塑紛紛舊模改州人請命太守庭粉壁丹堊重經營大書姓字登木主少牢陳列椒檀馨我享公兮酒湛湛公之來兮雲冉冉兩旁耐祀伊何人王監吳按此廟祀原以旌忠愚民佞佛致紊濫滋訟經判劉巡檢

府縣究懲有案 孝廉方正蔣鵬等稟學移縣請復專祠示禁

叠控縣府知府英啟批示該廟香火田係為僧人吞匿該民人扶同隱飾反謂蔣鵬汪穀人等藉佔功德捏稱捐有香火田地等詞朦准批縣訊究隨經該縣將違例妄塑之神像毀棄嚴行禁止茲又稱係蔣鵬等入廟設神毀像任意牽誣似此種種荒謬膠大妄為實屬目無法紀仰黃岡縣速將遞詞之王先華等並該廟僧人同佃戶朱大春分別拘傳到案嚴行審訊懲辦均毋稍涉寬縱致干未便並即移學查明應行免別滋事端均毋稍涉寬縱致干未便並即移學查明應行附祀 趙忠愍公各牌位敬謹造齊一體供奉以彰忠節而維風化切切知縣羅登瀛即將王先華洪正林杖責王洪願具甘結再不滋訟並發堂諭開釋縣學教諭程之植訓導魏澤宏率紳士恭送忠愍公神主暨殉難諸公牌位入廟知縣再行示禁嗣後不准於忠顯廟違禁擅塑神像致干重究

二程夫子祠舊在文昌祠前宋乾道閒李訖建元明修葺無考

黃岡縣志

卷之三

祠祀

巽

國朝通判馬懷璋教授彭士商知縣王正常先後重建知府吳之

勦移建河東書院右咸豐三年燬光緒元年邑人改建奎星

樓下 宋朱文公二程夫子祠記云齊安在江淮間最為窮僻

蘇文忠公邦人至今樂稱而於蘇氏尤致詳焉至於河南兩程夫子則亦生於是邦而未有能道之者蓋王公之文章韓公之勳業已皆震耀於一時而其議論氣節卓犖奇偉尤足以驚世俗之耳目則又莫若蘇公之盛也若程夫子則其事業湮鬱既不足以表於當年文詞平淡又不足以誇於後世獨其道學之妙有不可誣者而又非知德者莫能知之此其遺跡所以不能無顯晦之殊亦其理勢之宜然也蓋天聖中洛人大中大夫程珦初仕為黃陂尉秩滿不能去而遂家焉實以明道元壬申生子曰灝字伯淳又明年癸酉生子曰頤字正叔其後十有餘年當慶厯丙戌丁亥之間攝貳南安乃得獄椽春陵周公惇頤而與之遊於是二子因受學焉而慨然始有求道之志既乃得夫孔孟以來不傳之緒於遺經遂以其所學為諸儒倡則今所謂明道先生伊川先生是也先生之學以大學論語中庸孟子為標準而達於六經使人讀書窮理以誠其意正其心自家而國以達於天下其道坦而明其說簡而通其行端而實蓋將有以振百世之沈迷而納之聖賢之域其視一時之詞章事業議論氣節所係孰為輕重所施孰為長短當有能辨之者而世非徒不知好也甚

者乃目以為道學之邪氣而必翦滅之於斯時也苟無遭其伐木削跡焉斯已幸矣尚何望其餘哉今太守李侯乃能原念本始追誦遺烈立二夫子之祠於學宮以風勵而作興之非其自信之篤而不以世之趨舍動其心其孰能與於此李侯名誠字誠之其為此邦勤士愛民固多可紀特於此舉尤足以見其操行之不凡而非眾人所能及是以因其請記而具論之以告來者使有考焉

吳丞廟在舊邾城祀元左丞吳汝汝嘗有功於邾邾民立廟祀

之國朝黃自芳弔邾城吳左丞廟詩并序左丞名汝字國棟為元順帝左丞相紅巾賊作亂奉勅守邾累立戰功及

陳友諒擾邾丞父子兄弟力戰百餘兵敗不屈死之明太祖與友諒戰鄱陽時見丞立空中白馬紅袍助戰封為護國忠臣顯靈王廟祀於邾過而有感弔以詩孤城百戰答君恩碧血流光萬古存丞相有魂依屋社忠臣無命哭軍門紅袍白馬絳前忿紫電青霜及後昆廟祀莫嫌空一滴坐聽樵牧說淵源

尊賢祠在赤壁祀明副使曹瑒僉事馮應京知府瞿汝稷舊志疑即

馮夷宮址今廢

吳公祠一在城隍廟明嘉靖初知府吳淮有惠政郡人立祠祀

黃岡縣志

卷之三

祠祀

聖

之今廢一在永甯鄉祀城守吳之蘭之蘭從于清端征東山

戰死其地土人祀之國朝張楠題吳公祠詩亂山處處叫寒鴉想見英雄授命時戰地土枯凝碧

血醮壇穴冷斷青詞祀梁有婦空知禮羊祜無兒久為悲只恐史官書不到數行淡墨紀新碑

曹公祠在城隍廟右祀明知縣曹愈參今廢

樊孝介先生祠在府學左側祀明邑紳樊玉衝每歲春秋釋奠

後學官入祠行禮額坊俱董其昌書祠遵例設祀生詳明更額同治五年移建府學宮右明茅瑞徵

孝介先生祠記孝介先生祠為邑人樊公立也先生兩為令民見德既去民思既沒民如喪厥考妣所在創祠申畏壘之祝矣而復祀於其鄉何居鄉人矜式於是乎在為是憑而弔之以不死先生也祀先生不以爵不以姓氏以先生位不配德而又格於易名之例鄉人賢而私淑之則謂先生棄官從父竟死於孝居官不私一錢餽如冰雪此無愧孝介矣陶之為靖節也孟之為貞曜也皆其友其門人所從而私諡之者也先生孝介名與實乎此兩字傳先生之神可無問而知其為樊公也按祀法非請於朝載在秩典不得立廟特祀今先生之賢表表梓里即以合祀鄉賢謂未盡也而先生又無子一女伶仃烝嘗幾廢如之何而昆季能愬然也則雖朝典有待而聚族以謀專祠亦古所謂鄉先生歿而可祭於社者之

例也先生慕海忠介之為人其令商城抗中貴人開採事余過其地父老猶豔述之崑為吳望邑獨嚴事先生以為神君惜天不假年未竟其用然先生之伸萬世者要為無忝忠介也先生既沒之數月余叨令茲士其明年學使者元宰董公手書孝介先生祠為贈議子弟一人衣冠奉祀未果又三年戊申春王正月而先生祠成先生弟玉衡輩數以記請始余習聞先生令吳擬赴官從受益焉而先生死矣每過其閭低回久之先生大節炳然既可師百世而其弟又能拮据以不死先生是皆可書也遂為之記以志歲月先生諱玉衡字元之其官政及他行詳志銘及傳余所記者先生之祠也

周忠烈公祠在府學街前祀明贈光祿卿周之訓以殉難勅建專祠

方公祠在縣儒學右側祀明鄉賢方勇門首坊額曰衍祀

韓宋二公祠在孟指揮巷前祀明通判韓煥

國朝通判宋犖後為痘神廟嘉慶十八年邑人祀痘神於此咸豐

閒粵賊焚燬同治元年二甲紳民醵貲重建痘神祠

郡守李公祠在胡總兵街祀知府李彥瑄乾隆九年知府禹殿

黃岡縣志

卷之三

祠祀

哭

齋改為振英書院今廢仍為李公祠

于清端公祠在赤壁磯山巔舊有留坡閣後改祀知府于清端

咸豐三年被賊燬同治七年邑紳劉維楨重建喻文鑿赤壁于清端公祠

詩鉦鼓遙聞縛逆曦五關氣讐探丸兒誰知六蠹班春日總是黃蘗有味時曾讀政書傳史氏沉因氣節傍蘇祠千秋遭際如公少清畏人知遇主知

蘿村棠舍祀知府蔣國祥年久傾圮道光二十七年知府祁宿

藻署縣金雲門知縣俞昌烈重修今廢

禹公祠在河東書院右祀知府禹殿齋增祀知府錢鑿吳之勳

楊庚以知縣陳文樞攝知縣郎錦駿配皆有功書院者今燬

金公祠公諱雲門號菊仙知黃州府事咸豐癸丑九月粵匪由

田家鎮上竄黃州城陷公投井死事

聞贈太僕卿諡果毅同治四年知府黃益杰勸捐同士民建祠於縣

學宮前卽節孝祠故址

程之楨詩廉吏家風著海陽一麾典郡殉蘄黃孤城扼險援師斷朝服辭

天止水香生有清琴攜守土死餘熱血報先皇九原命婦重相見好挈雙珠拜雪堂山齋借榻傍喬柯日日荒階掃

張店忠義祠同治元年候補訓導鍾應鸞軍功羅錦蘭監生吳

詠軍功張惠占巴廣盛潘國材鍾才久江萬順何首魁程鴻

賓等奉縣諭勸眾捐貲建於本街豐樂寺側崇祀制軍吳文

節知縣翁汝瀛暨合區陣亡兵民四年祠被賊燬光緒六年

重建於竹葉寺後

錢家堡忠義祠咸豐七年本區團總邱振聲沈彪炳汪秀鍾喻

九芝張仁劉同權饒美彥等募貲公建祀制軍吳文節知縣

翁汝瀛及舉人邱文監生沈鴻鈞沈飛鵬并各區鄉勇陣亡

者數百人同治三年燬於賊

黃岡縣志

卷之三

祠祀

三

健捷水師營昭忠祠在下巴河熊家山祠宇二進祀本營陣亡

員弁兵勇咸同閒 記名提督左光培建修

劉猛將軍廟在清淮門內同治五年知府黃益杰重建北城礮

臺下闢地一段監生蔣茂株等稟請招佃納租爲香火貲立

案勒碑

驛遞

驛遞者都邑之血脈也咸同間盜賊竄起中外聲息不隔賴有此耳黃固蕞爾邑而地當孔道飛書馳檄必有車轍馬跡焉自李坪陽邏裁歸於縣民困漸紆虺隤况瘁之歌或得少息矣

驛站道路明初於今治城南江濱置齊安水馬驛其宋元舊城

東門外有臨臬馬驛宏治間臨臬驛裁併入齊安水馬驛驛

前有使星樓榜曰湖東第一館嘉靖中知府郭鳳儀建即今沙街驛門地城北六

十里置李坪馬驛在團風鎮北即今呼馬驛地又北七十里置陽邏水馬

驛又西北六十里即武昌府江夏縣抵省會城東南七十里

即蘄水縣巴水驛由此以達江西江南此舊驛路也李坪陽邏俱設有驛丞

國初因之乾隆十九年裁二驛丞巡司兼管旋屬縣二十九年巡

黃岡縣志

卷之三

驛遞

辛

撫常鈞因江水漲發船載稽遲

奏准於江夏縣東六十里設土橋站又東六十里武昌縣地華

容設華容站又東六十里即交接縣齊安驛歸入原路次年

李坪陽邏二驛俱裁餘詳後

原編額徵驛站夫馬順治十六年准驛道牒奉浙江巡撫奏題留原協齊安李坪二驛丞充馬價改作

武昌巡船水夫四名每名銀七兩帶閘銀一錢一分六釐六毫修船銀二兩共銀三十

兩四錢六分六釐四毫

蘄州遞運所馬船二隻原係按察司正堂並分巡道各船一隻每隻水夫十六名每名銀七兩二

錢帶閘銀一錢二分每隻修船銀十八兩共銀二百七十兩二錢四分紅船二隻

原係驛鹽道本府清軍廳各座用一每船水夫二十名每名正閘銀七兩三錢二分每隻修船銀十二

兩共銀一百七十兩四錢

齊安驛馬十六匹又新加四匹每匹銀三十兩帶閏銀五錢又零銀一兩五錢二分帶閏銀二分共銀六百一十一兩五錢四分五釐驛初屬府今并縣
站船水手十五名又新加二名每名銀六兩帶閏一錢共銀一百三十七兩今并縣

李坪驛馬十七匹又新加二匹每匹銀三十兩帶閏銀五錢又零銀二十四兩帶閏銀四錢共銀六百三兩九錢原派本府馬夫新議改抵蘄水羅田

廣濟原編協李坪驛馬價銀二百一十一兩四錢八分七釐
站船水夫四名又新加四名每名正閏六兩一錢共銀四十八兩八錢

原代派黃陂縣編協陽邏驛馬三匹又新加一匹每匹正閏三十兩五錢又零錢又零銀二十二兩八錢三分九釐一毫零帶閏三錢八分六釐零共銀一百四十五兩二錢一分九釐八毫以上各役工食按季解給聽支

黃岡縣志 卷之三

驛遞

辛

分 共銀八十一兩一錢三分

驛馬解費每兩五釐該銀四錢五釐七毫此款現解司充餉

齊安驛支應銀五百九十兩無閏今并縣

齊安驛館夫三名每名正閏銀七兩三錢二分共銀二十一兩九錢六分

李坪驛夫三名銀數同上

走遞夫馬原額排夫二百五十名內除六名入本縣經費外實二百四十四名每名七兩二錢帶閏一錢二分共銀一千七百八十六兩

八分內除客夫銀一百七十八兩六錢一分外實徵銀一千六百七兩四錢七分本縣走差

原額腳馬六十五匹每匹二十四兩帶閏四錢共銀一千五百八十六兩
按前共銀六千一百四兩二錢七分八釐二毫係舊全書所載查驛站奏銷冊報多造銀二兩九錢三分歷年已久無

從湖源已于雍正四年咨部仍照
現在驛站數目開造以符 奏案

現設驛站夫馬支應 并抽裁驛站工食

排夫九十名雍正六年裁二十名乾隆三十三年裁十名 工食

銀解道支用 并移司充餉 二十二年增十名三十三年增二十名仍九十

名共銀六百五十八兩八錢 內夫一名日支工食銀二分三毫零年支銀七兩三錢二分乾

隆四年奉文扣除小建遇閏加增

縣合併齊安驛腳驛馬四十六匹雍正六年裁十六匹乾隆

二十四年裁五匹 工食工料銀解道移司充餉 三十年增十匹四十年裁

五匹 改設漢川縣田兒河 實馬三十匹 每匹年支草料銀十八兩藥餌銀一兩兩馬一夫之夫年支銀

七兩二錢三馬一夫之夫一名年支七兩二錢五名各年支銀七兩七分四釐俱扣建加閏獸醫一名年支銀七兩二錢

不扣建 共工料等銀六百五十五兩七錢六分八釐 則例倒

變皮價銀一兩解司補馬一匹請價銀十四兩 支應銀六十七兩 廩糧號房鞍屨槽

黃岡縣志 卷之三 驛遞

雍正六年裁十六兩乾隆二十四年裁八兩五錢 解道移司充餉 四

十年抽撥八兩五錢 改設田兒河 又添增銀十九兩五錢其實銀

五十三兩五錢 不扣建不加閏

李坪驛馬三十匹乾隆二十四年裁五匹 銀解道移司充餉 支應銀

六十七兩三十年全裁 改撥華容站

陽邏驛馬三十匹雍正六年裁二匹乾隆二十四年裁五匹

銀解道移司充餉 支應銀六十七兩三十年全行裁撤 改撥土橋站

江濟水夫一百五十五名 每名銀四兩九分九釐 該銀六百三十四兩

七錢二分五釐 每百兩京 共銀五兩七錢一分二釐五毫零

按驛站原編司項抵浙協濟馬價銀六百四十六兩五錢三分九釐連前額徵共銀七千三百九十四兩一錢八分四釐

七毫零內除豁免故夫丁銀並冊除銀共一百三兩六錢六分一釐二毫零外實徵銀七千二百九十九兩五錢二分三釐

四毫零內有每年各驛夫馬工食工料等項應於本縣額編驛站銀內動用九百二兩九錢六分八釐又於各屬解道裁

夫銀內動用二百一十九兩六錢又於黃梅解道裁馬工料
內動用二百四十五兩五錢又驛站項下編設酌用買補馬
價銀九百二十四兩六錢五分七釐一毫零紅船水手工食
銀三十兩四錢六分六釐四毫裁二充餉銀三千一百三十
五兩五錢九分九釐八毫零裁減夫馬支應等銀二千二百
九十六兩八錢三分二釐係另款解交道庫支用並移司充
餉

按舊志條列前明驛站夫馬隨時減增至萬歷時幾倍原額

三驛額馬各二十四匹齊安加至三十六匹李坪至三十九匹
陽邏至四十四匹站船水夫原額每船六名者加至十名三名
者加至十七名各驛馬戶係永充與募役承當齊安則本縣十

四麻城七李坪則本縣四麻城六黃安三陽邏則黃陂四黃

安二萬歷十七年安麻逃避李坪承充暫簽殷實代當爾承

充募役僅存五戶每至年終封門不役矣存之備考

接官廳舊在東門外四牌樓即古蹟黃泥坂一盼亭旁石刻東坡詞處今廢

縣前鋪曰急遞總鋪在清源門外沙街鋪兵徭編三名半永充

黃岡縣志

卷之三

驛遞

五三

一十四名凡鋪一目為鋪司餘為鋪兵今裁存鋪兵八名

東抵蘄水縣鋪四與蘄水七里鋪接中隔巴鎮橫河蘄水設有

渡船

長圻鋪鋪兵徭編五名永充四名

楊林鋪鋪兵徭編三名永充四名

桑林鋪鋪兵徭編三名永充五名

烏柏鋪鋪兵徭編四名永充三名

南抵武昌府武昌縣無鋪中隔大江七里三分

北抵麻城縣鋪十二與麻城沙河鋪接

長坡鋪鋪兵徭編三名永充五名今裁存鋪兵五名

楓香鋪鋪兵徭編四名永充四名今裁存鋪兵五名

松楊鋪鋪兵徭編三名永充五名今裁存鋪兵五名

臨江鋪鋪兵徭編四名永充四名今裁存鋪兵五名

團風鋪鋪兵徭編四名永充九名今裁存鋪兵六名

花園鋪鋪兵徭編二名永充五名今裁存鋪兵五名

竹瓦鋪鋪兵徭編三名永充三名今裁存鋪兵五名

淋山河鋪鋪兵永充六名今裁存鋪兵五名

丁家壩鋪鋪兵徭編一名永充五名今裁存鋪兵五名

黃山鋪鋪兵永充六名今裁存鋪兵五名

久長鋪鋪兵徭編二名永充五名今裁存鋪兵五名

道觀河鋪鋪兵徭編一名永充七名今裁存鋪兵六名

西北從團風抵黃陂縣鋪十三又與黃安高林鋪接

馬驛鋪即古李家境鋪鋪兵徭編五名永充二名自團風至

鋪中隔鷺公頸橫河設有官渡省志載兩鋪相距十五里

黃岡縣志

卷之三

驛遞

十四

爛泥鋪鋪兵徭編三名永充五名

矮劉鋪鋪兵徭編三名永充四名劉全書作流

汪家鋪鋪兵徭編二名永充六名

雙流鋪一名雙柳鋪兵徭編五名永充三名

城林鋪鋪兵徭編三名永充五名

陽邏鋪鋪兵徭編三名永充七名今裁存五名西與江夏官

屯鋪接中隔大江十里三分有官渡省志載兩鋪相距十五里

粉壁鋪鋪兵徭編一名永充五名今裁存三名

曹冲鋪鋪兵徭編二名永充五名冲全書作充今裁存三名

畢家鋪鋪兵徭編一名永充四名今裁存三名

周山鋪鋪兵徭編一名永充七名今裁存三名

陶山鋪鋪兵徭編一名永充六名今裁存三名

三山鋪鋪兵徭編一名永充七名今裁存五名東至岐亭連
中站馮家集共四十里東北至黃安高林鋪二十里西北至
黃陂甘棠鋪一十五里

以上三十鋪每鋪交接各一十里各鋪司兵徭編共七十六

名半每名工食銀帶共工食銀四百六十六兩六錢五分永

充一百六十名每名工食正共工食銀二百八十八兩順治

中本縣詳請撫院將裁解內撥銀九百四十八兩一錢五分

補足鋪兵工食共銀一千七百二兩八錢徭編永充每名每

年七兩二錢以上咸豐七年奉文裁汰改為驛遞查照鋪司

年額工食酌留十分之二津貼驛站之費又於同治八年奉

文除前酌留十分之二再留二成共四成工食銀六百八十

一兩一錢二分由縣坐支為添設橫路鋪遞之用俞志云府

黃岡縣志 卷之三

驛遞

五十五

鋪司廳屋三間東西廂房各三間郵亭一座什物俱全今並廢畢家鋪為官使往來要地向借民居傳食非體清淮門抵

楓香橋路苦崎嶇明知縣茅瑞徵查估督修行旅稱便

按驛站夫馬人數鋪遞歲支銀兩自前明以來隨時增減茲

憑現在案據數目載明舊志仍錄以備考

新置齊安驛馬號光緒六年由縣墊款契買城內二甲考棚街

王胡氏基屋前抵官街後抵箭道左抵王姓民屋右抵楊姓

民屋深長十四丈零五寸橫寬三丈一尺五寸改建馬王殿

三楹馬棚一所號科三楹計屋價工料共用庫平銀二百八

十七兩五錢四分派六年攤還稟奉府批立案屋契附卷

郵亭康熙五十九年知縣鍾葦於縣界內東南西北三路途次每

十里捐俸建郵一所石柱陶望以為郵遞行旅息肩地梁間

大書

聖諭十六條於方版凡三十餘所費三千餘金

回車埠 邑人撰興吾建並捐田一十二畝半歲收租以備施茶之費

賀家坳茶亭 居人賀華陽祖孫先後建亭置田以備施茶之費

但店鎮茶亭 邑人丁馥芳每歲捐茶葉一百二十斤外置有田畝以作煮茶工食之費本鎮甘露菴及七道

河區龍澗菴北斗湖廟皆如之

赤土坡涼亭 孀婦孫李氏建並捐田施茶

太保社李家店茶亭 居人李有春父在山捐賀婆幼田永供施茶之費

永豐亭 城東五里行人憩焉又東二十里道人湖橋西有懷德亭舊址皆居人施茶處

永安寺東茶亭 康熙六十年喻桐岐建並置茶田數十畝以供逐年施茶之費後嗣輪管未替

范姓涼亭 城東北三十里范姓建亭為往來憩息之所每夏施茶亭前山水湍激並建石橋一道

茅鋪茶亭 地為羅麻要道道光初陳正奇建亭施茶於此並置田一段每年收租十三石又屋一所以為永遠

經費

營汛

分汛置兵駐防四境舊制詳且密矣然法久弊生朽艦鈍卒廩餉虛糜咸豐閒創造礮船置水師銷烽灌燧江路肅清洵善制哉舊時陽邏上下葦葑嘯聚出沒往來重為商旅害自舟師巡警宵鼓相聞今而後亭障並肅矣

黃州協營副將一員守備一員雍正十年改守備設都司一

員千總三員一駐縣為城守把總四員駐縣二一陸汛駐三店一水

黃安縣經制外委五員額外委三員存城各一李家渡額外委一員同治九年奉

撤文裁舊志載馬步戰守兵丁六百四十四名咸豐七八等年

奉文裁歸水師兵丁六十八名又於同治九年奉文裁撤兵

丁九十三名現在馬步戰守兵丁四百八十三名內駐黃州

府城馬步兵丁一百八十一名分駐各汛馬步兵丁三百二

黃岡縣志

卷之三

營汛

五

名分防縣水汛十五塘陸汛四塘詳列於後

水汛

沙口防兵五名塘房三間烟墩五座十五里至陽城河陽城

河在陽邏鎮之上把總一員防兵十五名今裁十里至龍口

龍口防兵五名十里至雙流夾

雙流夾防兵五名十里至葉家洲

葉家洲防兵四名十里至矮劉鋪

矮劉鋪防兵四名十里至爛泥鋪

爛泥鋪防兵四名十五里至鷺公頸十五里至羅鵝洲

鷺公頸防兵五名二十里至李家渡

李家渡額外委一員防兵九名與鴨蛋洲對今裁二十里

至韭菜港

羅鷓洲防兵五名三十里至社樹

韭菜港防兵五名五里至社樹

社樹防兵五名二十五里至新河口

新河口防兵七名十里至十里鋪

十里鋪防兵四名十里至長圻塲

長圻塲防兵四名二十里至蕪水巴河以上塘房烟墩俱同

陸汛

三店把總一員原駐馬鞍山移駐但店後移三店防兵十七

名塘房三間烟墩五座

但店防兵十三名

沙河防兵五名

馮家集防兵五名以上塘房烟墩俱同

黃岡縣志

卷之三

營汛

癸

楚臺紀事云江流千里荏苒出沒之數先當事者議雙流夾
標以指揮三江口統以守備上通陽邏下抵馬口聲警相聞
首尾擊應舟船無虞往來始十餘年頃間有巨測而無稽臨
駐劄之所或有一暴十寒者乎則保甲之令墩堡之修巡哨
之密要不可忽明萬歷中知縣茅瑞徵上御史條議云本
縣連互蕪春肘腋鄂渚控引江淮旁指光息楚一門戶也四
通之途不逞生心五方之民奸宄接踵江洋要害豈容偷安
且夕不備不虞竊照長江一帶每十里設巡船一隻分兵哨
截禁止夜行商旅頗快即次之安居民亦獲安居之樂而九
江以上此法全疏矣兵充徭永老弱徒寄空名哨分上下鈍
朽坐糜工食即巡船亦竟屬烏有水寇竊發一帆順流如入
無人之境守禦不協護衛所不盤詰一有失事動多委罪有
司荏苒四起誰任其咎妄謂申嚴保甲修理柵欄郡縣為政
至於沿江設險原有汛地巡哨船隻祇因法久盡弛合無今
後比照南中事例責令軍衛掌印協同巡司等官查修撥守
或五里或十里首尾應援一遇有警前後督赴攔截自當應
時就縛萬一脫逃沿路連坐又何盜之敢窺然此直救標之
議也或謂城濠積水不宜淤塞應於農隙浚治加深或謂城
鋪傳更遺法盡墮應令各軍照舊輪直此皆桑土綢繆之慮
似當早計及備查三江口擁蔽上游實屬要害岐亭錯壤黃
麻去郡特遠尤為盜賊窩固出沒之數前此皆有專設衙門
臨鎮其地相應照舊申飭戒嚴無撤藩籬庶幾草澤不至生
心而民間旦暮安枕此實弭盜安民切務

水師附

漢陽中營後領守備一員舳板一隻額兵十四名駐陽邏

漢陽中營後哨一隊千總一員舳板一隻額兵十四名駐上

葉家洲

漢陽中營後哨三隊把總一員舳板一隻額兵十四名駐龍

口

漢陽中營後哨四隊把總一員舳板一隻額兵十四名駐水

口

漢陽中營後哨七隊外委一員舳板一隻額兵十四名隨哨

駐陽邏協防巡務

漢陽中營前哨守備一員舳板一隻額兵十四名駐江北岸

鶯公頸領哨巡防轄一二三四五六七八各隊

黃岡縣志

卷之三

營汛

堯

漢陽營前哨一隊千總一員舳板一隻額兵十四名駐江北

岸下葉家洲

漢陽營前哨二隊千總一員舳板一隻額兵十四名駐江北

岸東嶽廟

漢陽營前哨五隊把總一員舳板一隻額兵十四名駐江北

岸鶯公頸

漢陽營前哨三隊把總一員舳板一隻額兵十四名駐江北

岸團風

以上漢陽營各哨隊分防縣屬汛地兵船外各有座船一號

巴河營前哨守備一員舳板一隻額兵十四名駐磧磯洪

巴河營前哨一隊千總一員舳板一隻額兵十四名駐西河

鋪

巴河營前哨二隊把總一員舳板一隻額兵十四名駐黃州

城外新河口

巴河營前哨四隊外委一員舳板一隻額兵十四名駐羅家溝

巴河營前哨五隊外委一員舳板一隻額兵十四名駐牛王洲

巴河營左哨二隊千總一員舳板一隻額兵十四名駐黃岡縣屬樊口鎮

巴河營右哨五隊外委一員舳板一隻額兵十四名駐洪家溝

巴河營右哨七隊外委一員舳板一隻額兵十四名駐黃岡縣屬巴河上口

巴河營左哨六隊外委一員舳板一隻額兵十四名駐黃岡

黃岡縣志

卷之三

營汛

卒

與武昌蘄水三縣毘連之下三夾

以上巴河營各哨隊分防縣屬汛地兵船外各有座

船一號

津梁

黃稱澤國流水瀾漫行李往來心焉病之自辰角見而徒杠畢火朝覲而輿梁成長橋卧波道路無壅蕩蕩平平觀於鄉而知王道之易易也

觀風橋

清源門外明洪武中知府石璘指揮李和建景泰間重修立石欄明末兵毀國朝順治七年知縣楊日昇修

觀瀾橋

清源門外馬頭街明萬曆末年知縣胡口口晏春鳴建國朝康熙四十年重修建亭欄更橋名曰觀瀾橋亭

便憩息今毀道光二十年居民募貲重修其亭則待復云

松竹橋

一字門外關帝廟後東淮濠水經焉雨後洗見松竹形各一

清淮橋

清淮門外明末兵毀國朝順治初知縣劉國甯重修

清風橋

赤壁山麓今圯

延壽橋

一字門外乾隆八年知府禹殿鼇知縣邵豐鏃濬濠建碑其上嘉慶二十四年知府吳之勤知縣蔣祖暄築織

染橋堵水歸濠溝改建石橋

黃岡縣志

卷之三

津梁

空

來遠橋

一字門外關帝廟左明盛時機織染坊多在此建橋後亦呼織染橋

一字橋

一字門外又海棠橋在城中今無考另詳古蹟

積餘橋

係城內外水會合之處

太平橋

一在安國寺前塔下一在縣西北一百八十里道觀河上街元隱士吳應樹建後圯里人募貲重建

相隱橋

安國寺前宋韓琦讀書堂側兩山合處本名合山橋俗名和尚橋

新橋

鐵甲巷下一名榆木橋形家謂郡城環帶水不宜引去舊惟木板後易以石雍正十年圯知縣暢于熊倡修又上中

馬頭二橋在清源門外河灘街久圯

鼉龍橋

舊志云縣前今無考

清濟橋

縣南二里即塔溝入口處明景泰四年知府余清建成化間義民陶畧重修改名金花橋國朝康熙間圯僧

圓通募化

清平橋

縣南三里俗呼雙橋明成化間義民陶畧建

益壽橋

東苾鄉道人湖東乾隆六十年邑贈職劉揚烈耆年捐修行人德之因以是名

明官堰橋

城東十里乾隆五十一年邑封職劉邦發捐修

三台河橋

縣東十二里明陶仲文建一名通濟橋國朝康熙間半圯知府賈鉉募建耆民楊述之跛僧慧新董其役雍正九年知縣張光裕修欄改名玉帶橋今半圯行旅不便東茲鄉劉姓闔族公捐義渡並近地田課三十餘石為渡夫工食及修造之費光緒六年邑紳劉維楨捐修木橋渡船捐田十一担九升一合歲收租穀為修補橋船及渡夫工食燈油各費

王相橋

縣東三十里明郡旌善人王相建

道人湖橋

縣東三十里

魚博橋

縣東六十里

漫二口橋

縣東三十里邑紳龍可旌同從子際昌建

瓜颯灣橋

城東四十五里慕義鄉邑封職劉邦發捐修

孟鉢小販橋

城東六十里東弦鄉邑職員范紳重建

覓兒橋

近魚博道光九年邑職員范欽重建年久傾圮欽寔室楊氏於光緒元年捐貲命其子華封重建

黃岡縣志

卷之三

五

曹家河橋

縣東七十里

火燒港橋

一名火柴港橋在東鄉許子口區乾隆年貢生馬正之光緒六年眾姓重建

水口新橋

縣西北二十里堵城北

長清橋

楓香渡舊名楓香橋明正統間知府余清建改今名成化六年義民潘敬重修國朝康熙間圯民王二奇募修同治間邑人重建

鷓子湖橋

縣北四十里舊係木橋歲久朽壞康熙五十九年知縣鍾葦捐俸付僧慈永並募建乾隆二十三年羊角寺僧智山重修

羅家溝橋

縣西北李家渡上一里舊係木橋康熙中士民同建石橋後邑民余麗鵬職員王宗華先後重修現被山水衝坍無存

赤山橋

圍風鎮東十里康熙間羊角寺僧慈永重修

河口橋

縣東四十里諸生喻東弼建捐有田租三十石以作修補之費

永清橋

即礬石橋團風鎮北五里明正統中知府余清建正德中知府余貴嘉靖中邑人陶仲文相繼重修崇禎中知府楊通字合黃麻兩邑紳士重修分地建隄立石表識

步瀛橋

團風鎮東邑人張應柳建上有文昌祠嘉慶間邑士錢純熙議修道光四年熙子增貢履和竣工兵燹後團風居人修理

史壩橋

團風鎮西北里許一名得勝橋明陶仲文建國朝康熙中僧慈永募修乾隆十四年圯邑人甄潛修復並捐銀一千兩生息以爲修葺之費

白塔河橋

縣西北八十里舊有板橋係里人劉文郁修乾隆二十四年下伍重鄉監生姜之祥捐修石橋

沙港橋

縣西北八十里辛家衝東乾隆二十三年士民公建四十年封職貢生詹啟璉重修

淋山河橋

縣北八十里舊有板橋乾隆二十三年士民募修石橋於上街知府錢鋆取名永濟橋

泥溝橋

縣北一百二十里明邑人曹良輔建

大碧潭橋

縣北一百里下伍重鄉地當孔道潭水深險邑紳陶國幹捐建石橋久圯今附近紳耆募修縣令陸炯有記

黃岡縣志

卷之三

津梁

奎

舊街河橋

縣北一百一十里水沙泛壅無常舟楫石砥皆不可用里人胡文峰藍有德胡世禮胡世晏先後捐田二十畝歲以其租修造木橋十餘節水發則設行人便之

孔家河石橋

尊五橋

萬家河石橋

三橋俱在庶安鄉邑士徐貢朝捐建

徐家橋

庶安鄉柳子港上街明永樂時邑士徐募人徐癸乙徐獻祿徐隆生建旁有碑橋極鞏固山水每發毀橋甚多此橋未損片石舊志作中和橋

對拱嘴橋

安仁湖上游當東西孔道舊有橋埂長數百步寬丈餘常爲水壞涸時亦難行嘉慶間土人袁惟福募捐修理逐年培補水漲用渡水落由橋行者賴之

烏泥港石橋

庶安鄉乾隆十二年邑士李長亨建

巴家橋

團風鎮巴姓建上有三元閣乾隆四十年邑紳陶雄楚魁楚捐貲並梅橋大路敵樓泊岸重修

劉公隄橋

團風鎮雍正八年江西貴溪張玉仲建其裔孫立南等嘉慶二十一年重修有碑

梅婆橋

慕義鄉康熙三十年節婦梅國臣妻羅氏捐建道光二十八年被水淹塌光緒丙子梅立本督率闔族重修

三閘橋

一名三元在上巴河街頭明洪武間邑人馬興隆建國朝嘉慶初邑紳王宗華重建道光三年水毀四年居人募眾復修年久傾圮光緒五年邑人夏大受翁杰等籌貲重建

薦家港橋

在馬家潭下縣丞馬自榮妻節孝朱氏捐修

竹林河橋

上巴河北嘉慶初邑人包清擬捐銀三百餘兩倡眾重修

西湖橋

馬家潭康熙間邑士馬世楷建年久傾圮光緒二年馬姓族人移建於湖東

三多橋

縣北五十里乾隆二十年邑人賈封岱修

沙河頭橋

縣北六十里乾隆間邑人樊天成募修嘉慶時眾募增修

瑞雪橋

縣東北八十里順治時汪伯麟修名麟鳳橋乾隆間補修功成值雪知縣王易今名同治五年募貲重建

西河橋

在沙河頭乾隆間邑士樊淵泗修

大木橋

上巴河乾隆初邑士翁世德修今圮其孫昌翥昌翔重修

福德橋

縣東北八十里乾隆間邑士汪永松弟兄修

黃岡縣志

卷之三

津梁

十四

發福橋

永甯鄉劉婆巖山麓邑士熊明著捐修

永濟橋

一在慕義鄉辛家衝西道光二十五年監生靖厚炳捐建一在易家河街西永濟寺左側康熙十五年僧永濟建咸豐元年里人醵金重修

董家湖橋

李家集北邑士劉大純捐修

團圓橋

倉子埠東三里

平安橋

倉子埠渡口

石麟橋

倉子埠西以上三橋俱邑士葉紹楠捐修

慕善橋

武湖漢礪子溝雍正十二年邑士朱潢捐建乾隆四十二年其後裔朝典重修

石字港橋

在中和鄉道光十年建

張港橋

在新州西道光二十年建

孫鑽埠橋

在中和鄉雍正癸卯邑庠尤一祥捐建嘉慶六年祥孫舉人士藩重建並捐田以資修葺

孔家埠板橋

在孔家埠街南士民募建

李家集大河木橋石橋

共一百孔道光六年

彌壽橋

在李家集倒河西四里許道光九年貢生盧聯魁繼妻鄭氏捐建並捐田以資修葺

永壽橋

在李家集倒河西岸蔡家港嘉慶九年監生盧占鼇捐建

龍王墩橋

在米節湖上二里許嘉慶二年士民募建

青雲橋

在米節湖上嘉慶八年監生夏嵩南捐建

沙河橋

在中和鄉曲湖嘉慶二十五年尤本鑿捐修

中和延壽橋

在左家溝嘉慶二十四年監生范炳南捐修

新洲延壽橋

在北街武聖門外向有木橋大水衝塌同治十三年監生熊醉經余耀勛余蔭祖黃力行同北街紳

商等捐費
重建石橋

銀河灣延壽橋

距縣治一百三十里光緒五年募費重建

孔子河橋

在問津書院一名孔嘆橋明知縣茅瑞徵修歲久傾頽咸豐三年里人募費重建

賀婆橋

在縣北上伍重鄉青坵山溪間舊有橋康熙時邑人謝惠重修嘉慶時圯士民募金修復並建涼亭

黃岡縣志

卷之三

津梁

奎

洪嗣橋

在庶安鄉新洲北原名賈兒橋邑人王光桂重修

毛家橋

縣北一百二十里明義民郭葵陽建

閔苑橋

陽邏鎮蓬萊寺前明天順七年僧祖正重修

望龍橋

在蓬萊寺前近龍口故名

惠民橋

在陽邏驛前一名馬驛橋上有孝弟坊年久毀塌同治十一年何衡字捐金同胡敬之徐星山募費續修

劉興一大橋

在慕義鄉明邑士鄭理揚捐田一石今增田一石餘

三里橋

在縣西北一百二十里元隱士吳應澍建

袁家河橋

在縣北一百三十里舊係木橋道光十九年改建石橋易名長生橋

朱氏橋

在縣北一百一十里

杏氏橋

在縣北一百二十里三橋俱監生胡廷瑞捐建

玉壺橋

在縣西陽邏鎮華山西大江岸

陽關橋

在庶安鄉見舊志

木屐口橋 在中和鄉邑

廣輿橋 在木屐口上三里許楊家湖

望仙橋 在縣三山舖相

柘林河橋 在下伍鄉監生姚

柳林前後河橋 在縣北一百里下伍鄉居民募

七湖壩橋 在縣西北一百里乾隆

行祠橋 一名行獅在中和上鄉

棠棣湖橋 庶安鄉邑人余文元捐建石橋又

有恆橋 在新洲街西乾隆三十八年

延齡橋 距縣治一百三十里

綠猗橋 在迴龍坂北竹林溪中乾

餘績橋 在李集河西芙蓉溪盧姓村前同治七年

黃岡縣志

卷之三

津梁

奕

大石橋 一在曾家墩大港東光緒六年劉萬柄妻楊氏捐貲續

捐貲督合族重建

連陞橋 在羅家田衝南大港內光緒七年羅觀瀾羅正

龍潭石橋 距縣治一百四十里在上

新河橋 距縣治一百四十二里在上

趙家河橋 距縣治一百四十五里在上

陸家溝石橋 康熙間庠生童士晉捐修其後童

細陸家溝石橋 里人童奉焄倡

孝思橋 在上伍鄉鄉孝思宅

壽三橋 在上伍鄉易家河東胡姓灣前

萬壽橋 一名張公橋在柳子港西北三里不知建於何

龔家畝橋 郭恆讓

張建橋 在彭家榨門首向無橋行人不便張耀祖為人傭工

利涉橋 在界埠上祝姓門首係南北通衢賀步陶倡捐

繼善橋 在縣北柳子港西一里許舊名陳家橋

壽木橋 在縣北周余區郭家墩鄉民郭鵬興愷宏國

段公橋 在倉埠通源門外武湖之濱

廣嗣橋 在井字山東北二里熊家田左側

秀才橋 在畢家鋪東三里鶴峯岡下六秀溝路為麻城至省通

洛安橋 在水口監生謝樹華捐

桑樹嘴板橋 衆姓公存田地二石九斗又江西

七星橋 在曹衝鋪南四里係南北

余鉞橋 橋為楚汴通衢邑人余

龍口斷隄河石橋 道光間大水衝圯

黃岡縣志 卷之三 津梁

蜈蚣橋 在陽邏鳳凰山下被水衝塌同治三年

淋山河下街橋 向有石橋道光二十九年被水湮圯邑人馮先

三合橋 在下永鄉天馬山之西偏舊有橋名四美道光二十九

茅鋪新橋 在下永鄉崎山之左土名茅鋪向有石橋咸豐間

鎖石口廟左右石橋 在下永鄉乾隆五

茅鋪廣福橋 在下永鄉乾隆三十

涼亭河橋 在上永鄉距縣治一百

吳家田橋 在上永鄉距縣治一百二

硤石衝棚橋 在上永鄉距縣治一百一十

賈家廟橋 在上永鄉距縣治一

...

...

...

...

...

金鑼港橋 在縣西六十里石橋

張齋公橋 在毛集西馮家岡前大墩里人張耀祖無妻子不茹

張齋公橋

迴龍山橫河橋 距縣治五十里武舉涂

百福寺西河石橋 貢生何汝鹽倡

總路柴橋 一名董盧柴在還和鄉橫溪區舊有石橋

油港橋 在還和鄉沙河頭乾隆四十五年

華陽港橋 在還和鄉橫溪區邑人

楊木橋 在米篩湖始架楊木以便行人嘉慶二十一年建石為

重修於橋之兩頭增修隄埂

思善橋 在永安寺西里許東至新洲西

三士橋 在李集東二里許向係木橋同治

黃岡縣志

卷之三

津梁

矣

雞公壩石橋 在李集東三里許

趙文獻灣後石橋 在李集東北二里許

道士橋 在李婆墩區相傳任姓道

水口橋 在但店區陸家衝

黃蘄橋 距縣治一百三十里雍正初史公壽楊世茂何宗廷史

捐置田課二十

黃羅橋 在三里畝區與羅邑界連庠生張向曙倡贊募建置

水月橋 在七道河區邱家河

暗溝河橋 在李婆墩區土門內

亂石窠橋 在李婆墩區係陳

四泊河板橋二道 在項家廟區係

勝陰橋 在錢家堡邑紳

張壽安捐修

易家橋

在錢家堡邑紳張壽安捐修

陳子墩木橋

邑紳張壽安監生張鼎堃修各捐錢一千文以作永遠修橋之費

新橋

在倉埠西北掘翠門外百餘步通鄂豫道與黃陂交界兩邑人醜贊合建

樊口官渡

在縣南五里渡夫二名每名工食正閏一兩二錢七分八釐

許子灘渡

在縣西十里濱江

河口渡

邑監生喻人宗捐設並捐自置祠堂後衝白苗嘴田五斗作歲修之費

白龍潭渡

東弦鄉西陽河監生鄭稷造船僱夫捐田為費

巴河渡

在縣東四十里

陳家河渡

距縣治一百一十里生員陳瓚捐建置田十畝每年租給渡夫以為工食瓚後裔清芳與彩等復增置田

四畝

馬橋官渡

在縣西二十里與武昌對岸渡夫三名每名工食正閏銀二兩五錢

東港渡

邑士王廣文等公呈歸於保正督率撐駕三年輪流廣文孫炯捐地一塊為渡夫工食

黃岡縣志

卷之三

津梁

六九

楓香渡

在縣西北二十五里堵城下明知府何晚齡有祀田在其旁

李家渡

在縣西北四十里

辛溪渡

在慕義鄉邑人涂漸階設船捐田五畝餘以為費

三江口渡

在縣西北三十里

團風橫河口官渡

明陶仲文建浮橋今廢渡夫二名工食同樊口

赤山官渡

在團風鎮東渡夫一名工食銀一兩一錢六釐

赤山汊渡

渡船三隻眾捐二隻捐職黃宗瑄捐船一隻僱夫撐駕歲有常費

鷺公頸官渡

在團風鎮西舊設史壩橋明萬曆時因江水侵岸改建渡夫二名每名工食銀二兩五錢六分

鷓子湖利濟義渡

道光二十七年職員范欽捐造船並田二石為工食修費

倒河口官渡

渡夫一名工食銀七錢六分

方溢官渡

在縣西北八十里渡夫一名工食銀一兩三分六釐

白塔河官渡

在縣西北八十里渡夫工食同方溢渡

辛溪馬頭渡

在縣西北庶安鄉邑人王自忠捐造船隻

汲水港渡

在縣西北一百一十里

廟埠潭渡

在縣西北一百一十里舊志譌窩埠

兆二渡

在縣西北一百一十里慕義鄉

舊州渡

在縣西北一百二十里慕義鄉舊州長河

張家店渡

在縣西北庶安上鄉

松湖壩渡

在縣西北九十里樟松湖並七湖口二處

陽邏官渡

與江夏對岸渡夫六名每名工食銀三兩五錢

柴埠湖口渡

在陽邏鎮新開口五里

街埠渡

近陽邏鎮十里

雙溪渡

在縣西北一百三十里

奈家河渡

距縣治一百一十里在下伍重鄉道光初貢生胡華蓋貢生胡華麟捐修船隻歲出租穀為渡夫工食里

黃岡縣志

卷之三

津梁

七十

人呼為胡公渡光緒五年胡姓後嗣公捐田八斗六升并基瓦屋一間付濱河里人奈蔡諸姓董其事均有碑記

感化河渡

在縣北一百六十里上伍重鄉

赤腳山河渡

在縣北一百三十里伍重鄉

橋潭渡

在縣北一百三十里伍重鄉

馬路口渡

在縣北一百一十里下伍重鄉邑紳謝鼎捐造船隻並田五斗以給渡夫修船之費歲有不敷居人復募

賞建涼亭一座並置田一石零以備修葺

石盤菑渡

在縣北八十里下伍重鄉邑人舒學辰捐船僱夫

高水汊渡

近團風鎮為東鄉運米上兌要津職員范斌母樊氏自捐積金造船僱夫撐駕

鷺黃渡

在安仁湖為東西要津湖西舊有亭雍正五年圯於水僅存其址嘉慶間土人注則林募修前亭後室盛暑設

茗往來利之

孫鑽埠義渡

在中和鄉邑士蔡師孔捐造船隻並捐田為渡夫工食及修理之費

柳子港義渡

庶安鄉嘉慶二十三年邑士徐愈模捐金造船二隻修石埠並船戶居屋六間捐田三石零九升其

租備歲修之費道光九年署知縣鄧立有案

羊叉河義渡

庶安鄉郭家洲費出郭姓洲課分派并職員郭錦鴻捐龔家畝水田四斗

河疆埠渡

下伍重鄉嘉慶間居人募貲置田五畝造船一隻板橋一道以濟行人

楓香墅渡

設渡船一隻並置田八斗零為歲修僱駕之費

方家渡

在但店右首方生昇方應坤方正傳方登嶽方追觀各捐田課以資經費

劉家渡

在縣東桃花潭下庠生范華翰同姪霖捐建後嗣子杭同兄霖捐置田畝為工食修治之費

徐家樓渡

距縣治六十里

官批渡

道光元年羅文煊同弟文煥倡捐錢四十串文募貲修築道光十四年置吳家墩田一石又置黃家林梅家墩

等處田一石四斗

七湖渡

毛集東南七湖堤向有義渡公置義田四畝糧柱七湖渡

魏寨渡

在毛集南蘇山西魏家寨近立義渡船二隻

土子港官渡

船一隻渡夫二名傳遞巴水驛公文差使每月給工食錢二串四百

黃岡縣志

卷之三

津梁

五

北流河渡

在張集區從張集北流至王集始順流而下邑紳張宏升於北流處設義渡以便行人

邱家橋渡

在庶安鄉錢家堡

萬家汊渡

在毛集曹衝兩區間監生周維藩捐置

郭家寨渡

舊名齋公渡光緒七年鄉民郭恆讓弟兄捐水田五斗四升庠生郭逢謙捐花地四斗二升郭成仁弟兄

捐水田一斗五升郭國富捐花地七升半公存以作造船濟渡之費

金家嘴渡

城東三十五里為往來孔道乾隆三十一年邑民喻希哲捐渡船一隻地四石以為渡夫日食之費

陳子墩渡

安各捐制錢一百串交為永遠修橋造船之費監生童友賢捐造并捐田五斗為舟子工

彭陳河義渡

食永遠修費糧在友賢後裔柱內完納

鳳凰潭義渡

在東馮區劉溪畝登仕郎劉光輝捐置

永興渡

在縣東一百二十五里係熊凝遠秉哲衡世聖從等捐置計田課十四石

赤山橋渡

道光九年監生金士榮等捐設義渡並公置洪家衝水田二石橋頭基屋一所以作渡夫工食修整船隻

之費呈請前縣出示曉諭不准船戶需索錢文

社樹唐家渡

係齊安驛至華容驛要津光緒六年春由縣捐造新船一隻渡夫二名每月給工食錢三串文

磐石橋渡

光緒七年新設渡船二隻先是無名氏捐繳銀一百六十兩備造三台河渡船嗣因劉紳維楨復經添造

卽將無名氏捐造船隻移設此渡諭飭團風鎮區首管理歲修工食等費由該區首等在鎮勸捐濟用

城外江面救生船

光緒五年冬由縣捐廉造船一隻水手五名每月工食燈油共錢十七串三百文以稅契

贏餘支給其歲修各費由縣捐備

水利

齊桓之申王命也曲防有禁鄰國為壑仁人惡焉雖然引漳

溉鄴鑿涇為渠為鹵生稻梁不言利而利大矣記有之曰完

隄坊謹壅塞以備水潦瀦防溝遂之制蓋可忽乎哉

夏隄

城南今名洗馬池見古蹟

利濟隄

城外觀瀾橋西直達江濱郡守吳之勳築道光二十八年知府邢宿藻知縣俞昌烈重修石隄

老鸛河隄

舊州長河隄

中州隄

鍾甯秤隄

一名簡公隄明知縣簡霄築後顏廢邑紳請道謨重修嘉慶二十年毀於水謨孫本託捐金修復隄內有

程徐二壩出水溝一道直達白水大勝二湖

溝兒口隄

黃岡縣志

卷之三

水利

三

邱陵湖隄

龍坑隄

白米河隄

以上俱在慕義鄉舉水所逕並知縣簡霄築

灑河隄

伍重鄉道觀河水所逕知縣簡霄築

邵公新隄

上起庶安鄉嘉魚村下迄柳子港舉水所逕向有小圍漸為水囿乾隆八年知縣邵豐錕捐倡建築既田

萬餘畝期年始成工費鉅萬又西南有曾家井隄四十八戶要區邵豐錕重修嘉魚村隄記岡邑西北之嘉魚村上承

麻城諸山之水向有大隄以為捍蔽而下游村落田廬皆陰受其庇雍正五年大水隄決乾隆八年復遭大水下游數十

里皆成巨浸而傍河之田已為沙壓不可種植矣余於是年

泄岡念惟此隄所關者大親詣其地查勘詳論其田之必不

可開墾者除賦約百餘金其尙有可墾者計畝長夙非修築

是隄終不免隨波漂沒而工鉅費煩且督理總領甚難其人

於是傳集士民擇其幹濟者數人立為隄長總理其事余復捐俸以為之倡其餘工費按田均派有力者任勞多財者任

費居近鄉民踴躍從事一年工竣向之平夷如坦道者如

壩向之石田不可耕者錯如繡矣自後每歲春初農隙檄飭保正隄長加厚培高俾勿壞焉此微績耳何足記顧禦災捍患守土者所有事後之人與我同志者知民患之孔棘始事

之維艱歲為修理毋忘未雨之綢繆庶數十里之村落田廬永免蕩析飄搖之嘆耳

韓公隄

長樂隄

李公隄

俱在城外

易家隄

赤壁山下

沙許灣隄

在東弦鄉瀕連大河每夏水漲邱店孫家嘴南湖戚家嶺四區賴其保障道光二十一年夏水漲隄潰邑

紳王鵬翥
釀賞督修

劉隄

團風鎮

烏鴉嘴隄

庶安鄉自嘉魚村起下抵柳子港長十五里眾姓修建監生胡廷瑞捐修石磯上有張仙亭

太和隄

在下淋頭畝牛皮漢里人募貲同修以資保障

福興隄

在淋頭畝東抵汪仁童姑二壩埂西至六房灣北至涂家畝南抵屈魏等灣內計畝百餘石里人募貲修

朱家隄

在新集北道光三十年山水衝決監生陶宜富捐穀督修

黃岡縣志

卷之三

水利

三

桃樹湖隄

南抵桑樹背之北山凹北抵畢家鋪之胡太背外為神仙河係倒水所經

蘆洲灣老隄

由黃柏山上袁家徑起下抵樊口計長四十里前經武昌縣知縣凌心垣詳請督撫委邑紳劉維楨加修光

緒六年由縣會同武昌縣知縣蔡炳榮諭令黃岡縣職員杜

承恩武昌縣生員楊樹人等經理歲修工竣

大成隄

在城東三十里同治四年紳耆募貲創建

奈家灣隄

上自白衣菴起下自福興菴止同治八年鄉民吳從耀捐貲倡修

迴瀾坂隄

在西馮區北通黃安大河下至零殘湖耆民楊法聯捐貲同眾姓築隄鄉里賴之

羅家河隄

在上伍重鄉道光二十九年大水居民廬舍蕩焉無存汪德潤捐貲倡修河隄十餘丈至今賴之

薛家溝何家橋隄

在樊口北岸貢生李東陞監生杜凌雲稟請倡建

黃家圩

在上庶鄉葉家店黃六官河東同治二年眾姓新築

江禹山下義圍

週圍約三里許同治七年眾建

義成圍

隄地低下數被水淹同治元年里人創修以資保障水患稍息

隄圍坂

在王集區地濱長河元時陶仁卿始築隄圍田數百畝因名隄圍坂康熙七年大水決隄百餘丈優貢陶克家捐穀修補隄始高大然江水逆來下無捍禦陶際昌倡首築橫隄一道建大小二閘以時蓄洩道光二十八年水決橫隄幾盡武生陶啟椿約眾修築同治八年山水決圍隄數百丈從九陶馥約眾補築三載工成又名隄窩坂謂地形如窩也

朝天閘

在孔埠區其源發於獅子港翠石嶺望鄉橋等處米篩湖水逆流盡遭水患光緒元年監生陳子熙貢生夏熙農倡首募費於河口築隄一道平立三閘以時蓄洩水患稍息

木屐口石閘

在周山鋪東北蕭家墩下同治十一年貢生夏熙農監生陳子熙武生夏國梁庠生金蘭耆民金仁齋斂費創修

鐵牛嘴

在王集區摸螺湖之北黃安界上七里坪之水至此忽分為二居民圍隄自固與摸螺湖共成一泊道光二十九年大水決圍隄二百八十餘丈以下鄰泊俱受其害二十三年監生張甲乙陳國棟修補於分水處修石磯以當其衝二十九

羅坪河壩

縣北九十五里下伍重鄉居人瀦水溉田

毛林口壩

黃岡縣志

卷之三

水利

志

芭茅湖壩

黃舍潭壩

紫荆港壩

八王壩

長塘

相隱塘

七星塘

觀塘

岳廟後塘

葉家塘

沙陂塘

以上俱在慕義鄉舉水所逕知縣簡霄築

庶安鄉向積水溉田歲久傾圮明正統二年邑人袁知州率鄉民重修

在城東南三里安國寺左中有田築壩以捍蔽後湖水漲宋周肅王元儼曾駐兵於此王行八故名

縣東南一里許即古城濠今久成街市

縣東南二里餘相隱橋側近北為道院近西為白蓮池即韓魏公讀書處詩有云道院迎仙客書堂隱相儒即此久沒民間康熙十二年分守道徐惺用價三十兩贖池為放生池

在城東南有土墩七座像七星今皆平之種藕

在元妙觀前形家謂火地官衙不宜設屏以元妙觀為外屏塘宜深闊謂之玉屏照水以厭火災

俗名火星塘在岳忠武廟後埋塞則火災時發甚驗

覽勝亭下形家謂城脈王亥雙行此為王龍宜聚水

東弦鄉

葉陂塘

九姑塘

羅經塘

以形名水味清冽
三塘俱還和鄉

菱角塘

縣北一百里
廣數十畝

戴家官塘

縣北一百五
里廣數百畝

南衝大塘

縣一百一十里廣數十
畝三塘俱下伍重鄉

陽陂塘

庶安鄉

官塘

在陽邏蓬
萊寺右

明官堰

縣東
十里

樟樹堰

還和
鄉

火燒堰

上伍重鄉
舊產藕

赤山龍潭

在縣北一百十里水清不見底昔有龍出其中潭旁
一洞闊十餘弓四面皆石中有石如床或以爲龍窟

黃岡縣志

卷之三

水利

三

潭水溉田百畝經旱不竭居民賴之
其上卽故進士王風采王全才舊居

龍潭

距縣治一百四十里在上伍鄉
土人相傳爲龍起處至今猶存

明萬厯間知縣茅瑞徵上御史條議本縣枕據大江而湖洲
所在如襟帶引水灌田實爲民利但隄低薄則水患易侵
如白塔河姚二渡新洲柳子港等處一遇霖雨便苦奔溢雖
經屢戒增築而黎民難與慮始荷鋪者偷安苟免委築者亦
相沿玩日濫觴不已巨浸奈何至於八里畝三山鋪青邱山
響靈廟一帶馮陵高阜山塘淺小桔槔無施旱魃時困若非
及時疏導正恐雲漢徒嗟穿渠濬川此實勸農第一事也然
勞來荒度計必得專官始便董成及查本縣原設主簿兩員
一管糧一捕盜竊照該縣既有典史一員專司捕務又有巡
檢兩員汛地分緝則捕盜主簿近多設况又從來仍帶徵糧
不理捕務質之職掌殊屬無謂合將本官改定職名專司水
利查隄塘某處卑下應築某處高亢應濬小則勸相諸民及
時增治大則申呈上司查估加修務期早濬無虞堪爲水利
又以時稽覈勤惰開田曠土設法開墾如有成效量與旌獎
其一帶濱江去處坍長不常陞墜滋弊並專責照季勘明冊
報尤爲妥便此固官不增設而民競力農法不滋擾
而野皆樂土似較空銜寄祿漫無專責利相萬矣

葛洪井

元妙觀相傳葛
洪煉丹於此

儀門井 府儀門外明總志載明正德中知府余貴浚井二十餘處民利之今名余公井此其一也餘無考

司獄井 保釐坊下舊獄前

鼓樓井 舊鼓樓側

學井 府學明倫堂左又泮池門右

梅家井 府學前向在民家明知府潘允哲擴學前地得之後又甚清冽又為民佔康熙二十三年知府蘇良嗣修葺學宮查出水

名三元井

局林井 縣射圃右舊係軍器局有火巷通大街今為民居所佔

東坡暗井 詳古蹟舊縣學前

盧家井 縣學南街小巷味甚清冽

鐵欄井 報恩寺前佛殿前

天甯井 報恩寺右一名丹砂井

分司井 舊布政分司即今府城隍廟前

黃岡縣志 卷之三 水利

雙眼井 清源門內國寶坊下

通判井 紅水巷

八角井 朱衣巷內俗呼八卦井

洗馬井 一字門街俗呼爛泥井

義井 縣東市舊志在憲司前以眾共之遂名

道泉井 安國寺日新堂明知縣孟津浚同知袁福徵有記

聖井 永甯鄉聖泉寺明成化間有僧卓錫得泉土人鑿井因建寺

溫水井 永甯鄉三里畷下有泉上燠甚中可燂性下亦可浴水氣腥如硫黃

龍井 大崎山上有九井零禱輒應

瀉熙井 舊街東嶽廟內石欄刻有宋瀉熙七年字因名

活井 蓮華峯下水澄澈雖值大旱常滿二井俱下伍重鄉

五雲山井 山寺中脈通大江

華山井

陽邏華山南元隱士吳應澍所鑿舊有石欄鑄義井字
乘於野明宣德丁未民雷志明開平堡城為居於城底
得井井面石方五尺蹟與前
正合老堡城為宋夏貴築

蔡家井

陽邏驛東
百餘步

馮家井

陽邏驛前
二百餘步

卧龍井

陽邏鎮關口傍俗
亦名吳公義井

吳公井

縣西一百八十里元隱士吳應澍鑿府舊志
按吳公傳自陽邏至桃花後井凡十九所

曹家井

在伍重里深二丈餘其水冬溫夏涼凡人
畜有誤落井者從無傷害里人稱為義井

七星井

上伍鄉鄒家灣門首井內七孔如七星形每
歲旱土人淘之泉水湧出可供數百家爨火

金甲井

赤壁磯下
詳古蹟

寶山泉

聚寶山後
詳古蹟

君子泉

赤壁側
詳古蹟

明萬曆年間知縣事茅瑞徵上兩院條議民用莫如水火兩
者大利害也本縣託居郡城回祿為災非時見告而抱窶

黃岡縣志

卷之三

水利

七

負汲並仰給大江當冬小涸輒爭赴奔沙斷岸下間嘗蒿目
籌之及攷城內外原有火巷以禦火又巷各有井以資水可
供百家之用竊嘆先民規畫至纖且悉今豪猾侵佔無復孑
遺矣郡縣旁基版築皆滿一遇不戒於火動延千家居恆遠
汲江水猶未害及議者且虞萬有小警居城中無滴水聊生
虛口待斃此憂良鉅合無備行清覈一井一巷各照原址退
出官為册查每巷口大書某巷及某井幾口不許豪右攘為
己業庶幾將來水火無虞永為民利事固有似緩實急者古
之牧政水防火禁皆關切要原非細故然查豪猾巧於侵佔
則照帖為之濫觴也攷原設稅課司對街之路即名火巷該
司既廢居民乘機認佃藉口承租計一井一巷歲不過輪租
一錢豈官府為一錢之租不為地方百年造福微獨於此本
縣便民倉基門逕已瀦為民居矣及詰之則曰津貼轎夫之
費於焉充額也院司官房都聽青矜肄業其旁舍開張私鋪
矣及詰之則曰歲輪府租或作轉解諸費也試驗帖則租特
以錢計且以分計也再覆覈即此錢計分計者或烏有也官
府亦何利此毫末者而聽以官基為市也諸如此類相
應盡數清查入官原帖追塗附卷則豪右或懲萬一乎

坊表

殊勲偉烈勒鼎銘鐘自古已然綽楔之立猶此意也至於孝子節婦表宅旌閭亦可以勵人心而扶世道第風霜剝蝕兵燹消磨傾圮者過半矣彙而載之壽諸楮墨庶幾石可泐而名不可滅云

明

荆璆競耀 萬曆戊子科舉人在清源門內今廢

繡斧 文衡 贈山東道監察御史曹儀正德辛未進士巡按

甘肅廣西陝西監察御史提督甘肅學校廣西鄉試曹珪在府前今廢

國寶 在府學前今廢

經魁 在府學前今廢

黃岡縣志

卷之三

坊表

三

己酉拔尤 在府前今廢

多士坊 嘉靖丁酉科舉人在府前今廢

玉署重光 清華特寵 勅封淮安府推官重封翰林院檢討

王崇擢崇正戊辰進士淮安府推官翰林院檢討王用予在

清源門內

德音世懋 皇錫永申 誥封奉直大夫泗州知州王文炳奉

直大夫重慶同知王陞勅封承德郎禮部精膳司主事王家

欽天啟甲子亞魁乙丑進士前禮部郎中福建分巡漳南道

副使王源昌在清源門內

經史名家 人文上乘 勅贈承德郎南京戶部雲南司主事

秦必富南京戶部四川司郎中萬曆甲午科解元庚戌進士

秦繼宗在清源門內

汝南參議 崇禎辛未進士兵部郎中河南巡撫嚴師範舊建
嚴家巷本宅內今廢

歷登天府 三錫皇綸 嘉靖癸卯舉人新甯知縣贈中大夫
福建布政司右參政杜鳴陽戊午科舉人長甯知縣贈中大
夫福建布政司右參政杜傑萬曆丙午科經魁丁未科進士
授階中大夫福建按察司按察使前四川提學道副使杜應
芳在清源門內今廢

司農世錫 勅封承德郎戶部主事洪承化天啟壬戌科進士
戶部浙江清吏司主事貴州司員外郎常州府知府洪周祿
在清源門內今廢

三十一人坊 萬曆壬午科舉人在縣前今廢

世秩天曹 誥贈奉直大夫吏部文選司員外郎晏應元萬曆

黃岡縣志

卷之三

坊表

七

已未科進士吏部稽勳司郎中晏清在縣前

三朝諫議 勅贈徵仕郎吏科給事中甄其賢吏科左給事中
前禮科戶科給事中侍經筵甄淑在縣左

袍笏代承 奉直大夫甯羌知州劉珙中順大夫汝甯同知加

四品服俸劉功允巡按四川監察御史劉宗祥在縣左今廢

天官大夫 吏部文選司郎中王濟在縣左今燬

皇都得意 在府學左宏治己未建今廢

金榜題名 在府學右宏治己未建今廢

聚奎 在府學左今廢

世科 在府學右今廢

元會羣英 嘉靖甲子科舉人在府學右今廢

元魁濟美 萬曆己卯科舉人在府學右今廢

彙征 嘉靖庚子科舉人在府學左今廢

經術家承 勅贈文林郎又誥贈中憲大夫李田萬曆庚辰科

進士按察使李之用在府學左今廢

明俊 嘉靖乙卯科舉人在憲司右

明時譽髦 萬曆丙子科舉人在憲司左今廢

世承天寵 封雲南道監察御史易明幾隆慶戊辰科進士易

傲之在憲司左今廢

奉天勅命 封工部左給事邱尙忠在憲司左今廢

三世司徒 誥贈通議大夫戶部右侍郎王文奎王濟南京戶

部右侍郎王廷瞻在憲司左今廢

三世中丞 誥封通議大夫都察院右副都御史謝志善原任

北直長垣知縣謝希哲永樂戊辰進士副都御史勅平蠻功

黃岡縣志

卷之三

坊表

十

廕子賜葬崇祀贈太子賓客謝景在忠節祠右

容臺 諫垣 翰林院禮科都給事中提督四夷館太常寺少

卿邱岳在舊鼓樓巷今廢

心切效忠 天恩存問 兩膺存問禮部右侍郎進階正治上

卿邱岳在忠節祠左

穀貽孫子 嘉靖癸卯舉人四川新甯縣知縣崇祀名宦鄉賢

杜鳴陽嘉靖戊午舉人杜傑隆慶辛未進士杜伸萬曆丁未

進士杜應芳累階中大夫福建參政在舊鼓樓前

黎獻帝臣 嘉靖癸卯科舉人在舊鼓樓前

同朝四衙門 翰林院檢討張文光汪元極庶吉士劉鍾英吏

科給事中梅之煥戶科給事中官應震兵科給事中吳亮嗣

福建道監察御史周應期穆天頴山東道監察御史曹光德

四川道監察御史田生金貴州道監察御史吳之皞黃彥士
魯之賢吏部稽勲司員外郎郭士望吏部司務蕭譽吏部稽
勲司主事於倫萬曆癸丑建在舊鼓樓前

父子司寇 刑部尚書贈太子少保王廷瞻刑部廣西清吏司
主事王同鼎在朱衣巷口

父子進士 宏治壬戌科進士吏部郎中四川參政王濟嘉靖
己未進士巡撫四川都御史王廷瞻在紅水巷口左

首應昌期 隆慶丁卯科舉人在紅水巷口

世膺天寵 萬曆癸未科進士江西道監察御史樊玉衡在門
首今廢

大司徒 總督河漕戶部尚書王廷瞻在紅水巷

大司寇 青宮少保 南京刑部尚書贈太子少保王廷瞻在

黃岡縣志

卷之三

坊表

全

洗白街口右

直節匡時 雄文應世 奉直大夫前翰林院庶吉士吏科給
事中正德癸酉經魁丁丑會魁王廷陳在洗白街口今廢

司馬 封承德郎兵部武選清吏司主事方勇在洗白街口今
廢

都憲 嘉靖乙酉經魁壬辰進士授行人選刑科給事中以不
阿當路改兵部武選主事車駕員外郎四川僉事江西參議
副使山東參政專勅理東南財賦浙江按察使江西右布政
使巡撫應天等處都察院右副都御史方任在縣學右

進士 嘉靖壬辰科進士方任坊復下墜五世孫雍正癸卯科
進士方可丹重陞

祖孫父子尙書 誥贈資政大夫刑部尚書甄善甄其賢萬曆

庚戌進士南北刑部尙書甄淑在縣學右

帝命重光 嘉靖癸卯舉人富陽知縣勅封戶部主事奚樸丁

未進士刑部清吏司主事贈福建參議奚世亮在縣學前

方獻 嘉靖辛酉科舉人在縣學前

進士 嘉靖癸未科進士王廷梅在北察院右今廢

應時多士 萬曆乙酉科舉人在北察院右

辛卯坊 萬曆辛卯科舉人在北察院左

天章寵錫 誥贈奉直大夫戶部員外郎吳嶽山萬曆壬辰進

士四川按察司副使吳士瑞在北察院左

戴記儒宗 勅贈文林郎余瀾萬曆壬辰會魁余心純在北察

院左

都憲 正德辛未科進士巡撫延綏等處都察院右副都御史

黃岡縣志

卷之三

坊表

全

賈啟在清淮門內

世科 王濟王廷儒王廷陳王廷瞻王追美王一鳴在洗白街

門首

會魁 丁丑會魁王廷陳在洗白街門首今廢

御史臺 係南察院故址

世承聖典 贈奉直大夫戶部員外郎熊瓊嘉靖乙丑科進士

熊養中在縣學前今廢

抗節致忠 隆恩晉秩 誥贈奉直大夫孫仕亨廣東按察司

僉事孫大祚在縣學前

登瀛 嘉靖戊午科舉人在於家巷口今廢

世科 景泰癸酉科王孚嘉靖辛卯科王鳳陽乙卯科王睦辛

酉科王址萬曆壬子科王欽濂在六劉巷口

清朝侍御 贈文林郎李陽明廣西道監察御史李植在六劉巷口

三世承恩 贈中大夫參政徐榮徐尚義嘉靖乙丑科進士廣西左布政徐時可在萬家巷口左

元歷登賢 萬歷癸酉科舉人在一字門內

登雲 嘉靖庚子科舉人涂瑜在居宅門首今廢

進士 嘉靖乙未科進士南京戶部郎中陝西平樂府知府呂韶在門首

多士坊 萬歷丁酉科舉人在清源門外

寵光三代 秩列九卿 贈中大夫陝西苑馬寺卿兼按察司

僉事孫安孫仕時萬歷乙未進士授中大夫陝西苑馬卿前

川陝山西河南直隸潼關衛等處兵巡副使江西布政使司

黃岡縣志

卷之三

坊表

全

左參政孫大壯在清源門外

翊運真才 隆慶庚午科舉人在清源門外

邦家之光 隆慶辛未科進士在沙街

世禮之門 杜鳴陽子孫科第在賈氏巷口太常樊玉衡書

勅誥重封 勅授登仕佐郎吏部司務誥授奉直大夫兵部員

外郎汪廷儒在沙街

元凱同登 嘉靖壬子科舉人在沙街今廢

龍章申錫 勅封承德郎工部都水清吏司主事誥贈中憲大

夫揚州府知府徐廷蘭在齊安驛右

多士坊 萬歷甲午科舉人在齊安驛右

聯飛 在齊安驛左今廢

三鳳 在齊安驛前今廢

世列名卿 贈中憲大夫提督四夷館太常寺少卿甄其賢翰
林院提督四夷館太常寺少卿前戶科都給事中甄淑在沙
街

祖孫進士 宏治己未科王麟嘉靖壬戌科王同道在會同巷
今廢

父子御史 贈文林郎江南道監察御史嘉靖戊子科舉人王
廷槐壬戌進士王同道在會同巷今廢

忠精流芳 在關帝廟內義民官葉浦嘉靖丙寅年建

總憲 嘉靖元年壬午科中經魁丙戌進士陶珪在陶家巷

翔鳳 在一字門外今廢

飛黃 在一字門外今廢

雄飛 在一字門外今廢

黃岡縣志

卷之三

坊表

齒

孝介先生 萬曆乙未科進士樊玉衝在府學左祠前

進士 誥封奉政大夫劉桂一在丁家壩一在卧車盤

忠臣節婦 嘉靖丁未科進士殉難贈福建參議奚世亮旌表

貞節世亮妻王氏在舊鼓樓巷口

百年完節 嘉靖壬午舉人盧靜妻方氏在方家巷口

貞節坊 萬曆癸酉舉人於廷諍繼妻張氏在府城隍廟街

貞節孝子 府學生員倪天瑞妻節婦劉氏孝子生員倪士觀

俱旌表立坊一字門內仍許立祠坊側

天恩褒節 生員曹銓妻盧氏子自化封文林郎孫山東道監

察御史曹光德在清源門內

天寵旌褒 儒士韋體亨妻節婦周氏在團風鎮

天朝旌孝 爲唐治建在團風鎮正街坊後圮康熙辛丑知縣

鍾葦修復

世沐寵光 成化文淵閣大學士江淵贈文林郎江濟隆慶辛未進士江沛然在陽邏鎮

工部員外郎坊 在庶安鄉郭家寨前明為郭知易建

義士碑 在庶安鄉余家寨明正統六年大饑鄉民余用賢出

穀一千一百二十石助賑有司以聞勅旌建碑府志訛姓呂

文苑翹材 崇禎辛未進士嚴師範在嚴家巷居人苑內今燬

周忠烈坊 在新街空苑內今燬

國朝

嘉慶癸酉科題名坊 在縣學前知縣鄭家屏建

八世孝義之門 鄉民鄧一隆家八世同居在上伍鄉鄧家林

孝子坊 一旌曹大聲在上伍鄉 一旌呂希煜在南湖呂氏

黃岡縣志

卷之三

坊表

全五

祠 一旌鄧之璧在鄧家林 一旌黃漢隆在葉家店 一

旌謝鴻恩在路口下街

樂善好施 在路口旌善士王宗華

貞壽之門 旌表奉直大夫胡宗返之妻太宜人胡徐氏百歲

孝義之門 旌表國子生胡廷瑞家六世同居二坊在庶安鄉

柳子港舉人胡玉森門閭

孝義之門 旌表貢生陳履謙家六世同居在庶安鄉石屋山

居宅前

節孝坊 俱見列女志